

● 詰辯類

○ 詰問爲外人作僂者

某某仁兄台鑒。逕啓者。我國棄寶於地。久爲外人所垂涎。使無本地漢奸。爲之指引。萬不能搜岩剔谷。詳悉其寶藏。日前報載某國人向當道索開吾邑某處礦山。謂係向業主價買。尙莫明其所以然。頃悉此事由

閣下主謀。借外人出而干預。私訂合同所致。弟聞之不勝駭異。夫有礦必須築路。有路必須駐兵。利權一落外人之手。不特開門揖盜。行且反主爲賓。其禍我一邑者。害猶小而禍及國家者。害尤巨。望速廢約。竭力挽回。否則

當令故鄉父老羣起而攻。勿謂言之不預也。專此布達。  
順候

近祺。

弟某某謹啓

月 日

○詰問信奉耶教者

某某仁兄大鑒。日昨承

示信奉耶教。得以遷善改過相勸。極感

盛情。然弟謂中國本非無教之國。何必見異而思遷。譬如  
人有父母。其性情學問。遠不及鄰人父母。足爲兒女模  
範。亦惟私淑之而已。倘竟棄其所生。就鄰人父母而父  
之母之。有是理乎。况所謂鄰人父母者。亦僅彼善於此。

無足稱奇。如因奉他教爲護符。而魚肉鄉里。尤爲人類所不齒。願

執事返己自思。毋抑中揚外。而徒驚虛名。是幸。專此順候起居。

弟某某謹啓

月 日

○詰問同胞興訟者

某某君台鑒。積日未領

教言。正深惆悵。昨晤某君某某。始知

賢昆仲因分析家私。爭持不下。現已涉訟公庭。聞悉之下。爲之驚歎不置。夫家私何能與兄弟較。兄弟苟有損傷。雖覓徧四海九州。亦無可繼續家私。卽或虧絀。雖極諸

室如懸磬。亦事屬尋常。卽如鄙人之貧無立錫。未嘗不優游卒歲。豈必賴先人之餘蔭。始可存活而無虞。今

閣下對待手足。猶且如此。凡在交友。能不寒心。務望

速行解忿釋嫌。言歸於好。或者尙可補贖前愆。否則弟之此函。卽作爲絕交書可也。專此奉布。順頌

近祺。

弟某某謹啓

月

日

○詰問約悟失信

某某仁兄青鑒。久不見

足下。正欲把手晤言。一傾積悃。適奉

惠畢。訂在某園一敘。歡忭無似。弟遵卽趨往靜候。延至四

句鐘之久。不但有約不來。令人欲穿望眼。而單形隻影。實覺孤寂不堪。想吾

兄平日每以信用爲美談。何今者自君約之。而竟先行失約也。尙祈勿吝教言。

詳示其故是幸。專此順請

台安。

弟某某謹啓

月

日

○詰問招飲不來

某某仁兄台鑒。日前某君某某。旅行過此。弟以舊日感情。謹治薄酌。爲東道主。並邀某君及吾

兄過舍

光陪。乃某君因事未來。而吾

兄台駕亦復不肯下降。致使主賓相對。寂寞寡歡。此則弟於事後不能無咎者也。然某君距舍較遠。辭而不至。固猶有說。若

足下則平時朝夕。常相過從。何此日忽爾

吝玉。尚祈

示我理由。以解疑竇。是幸。專此卽頌

日祉。

弟某某謹啓

月

日

○辯訴冤情

某某仁兄賜鑒。頃奉

手教承蒙

垂問被誣之事。愧感莫名。弟僑寓此間某某里。有同舍某姓女。期逾標梅。尙未遣嫁。與左鄰某某。暗渡陳倉。且聞有自由結婚之約。迨珠胎暗結。而女之父母。被人訾笑。遂日夜痛責。逼令玉碎香消。其初女曾將玩物數件。屬弟求售。弟因自購留。後女父見之。認爲女物。乃生瓜李之嫌。妄相猜度。幾致訴訟。嗣幸鄰某事洩。而弟之負屈。乃得申明。然自經此次嫌疑以來。愈覺男女交際。不可稍有苟且之時。尙祈吾

兄常賜教言。俾資遵飭。是幸。專此奉復。祇頌

台祉。

弟某某謹啓

月

日

○辯解誤會

某兄仁兄閣下。別後縈思。無時或釋。頃奉

惠畢。就諒

履祺增吉。

潭祉延庥。爲頌爲慰。弟細玩

來書語意。始悟開罪

兄台。未遑負荆趨謝。歉甚歉甚。惟弟適於某月某日。因某事緊要。改乘特別快車赴申。實難中途停止。以踐夙約。



未幾

大駕光臨敝埠。弟又羈身金陵。未能迎候。兩次抱疚。惶愧  
奚如。尚幸彼此相隔匪遙。交通復便。不久定當趨謁。以  
贖前愆。忝附

知交。務祈

曲諒是禱。專此布悃。祇請

台安。

弟某某謹啓

月

日

○辯非已過

某某仁兄足下。久隔

光儀。載飢載渴。辰惟

興居住密。

潭祉耕蕃。爲頌。茲啓者。某君某某。與某號分手旋歸。實因市況不佳。減用同事之故。乃近聞某君父兄誤會。謂係弟從中作祟。以致賦閒。此真信口輕言。毫不加察。其由來。弟與某君同鄉同業。平素既屬相契。彼此又無關係。何事讒間。以壞自己名譽。弟現今已在某處。託薦某君之事。倘能定局。將來可明弟心。惟此時不便直接申辯。尙祈

閣下轉函。代爲剖解。庶伊家當知非弟之過。不至妄相埋怨也。尚此布意。敬請

近安。

弟某某謹啓

月

日

○辯答原委

某某仁兄閣下。前月接讀

手書。鹿鹿未遑修覆。刻又

朵雲疊逮。卽諭

履候亨嘉。

百凡如意。無任忻慰。

來函垂問同鄉見疑之理由。蓋有三端焉。一因

執事回里。與父老言談。力破迷信。無知者遂指爲天主耶

穌教派。羣起狐疑。二則因

執事見有垂辯者。頗露鄙夷之意。伊等頑野成性。未免稍有間言。三則因

執事程度優越。對於地方劣董。不甚接洽。一般勢利之徒。不無捏詞以相誣者。目下社會心理。趨向共和。昔之懵然誤疑者。今且帖然信服。蓋是非終有公判。羣言淆惑。直付之一笑而已。弟素忝

知音。故敢率陳概略。以塵

清聽。尚祈

海涵一切。是禱。專此奉復。祇請

台安。

弟某某謹啓

月

日

●贈謝類

○贈土產

某某仁兄賜鑒。闊別兩月。相念同深。昨奉

手書。極承

拳注。敬諭

福履勝常。既頌且慰。弟於上月返里。小住不過旬餘。而戚友往還。栗碌無一虛日。精神疲困。毫無興趣之可言。惟領略家鄉風味。雖非名貴品物。頗覺有足取者。今特奉上幾種。聊供

朵頤。以

君雅人。想不嗤爲粗俗之士儀也。尙祈一笑納之。是幸。專此卽請。

近安。

弟某某謹啓

月 日

○贈磁器

某某仁兄左右。多日不晤。想

起居暢適爲慰。弟上月與

足下至某君處敘談。觀其陳列各種磁器。異常整齊。當時君贊爲優美。而弟竊有不取者。緣該磁器均係舶品。一則實質鬆脆。二則用久徧現雀斑。三則誤盛楊梅。永不滅跡。其劣點甚多。不過較華磁之製法。稍覺靈便而新奇。

日前弟有友人送來江西細磁廿餘種。頗合弟意。茲特擇其品式雅緻者數件轉贈

足下。想一經

鑒別。即可知洋磁無華磁之價值也。專此即請

台安。

弟某某謹啓

月 日

○贈筆墨

某某仁兄惠覽。頃奉

手書。

詢及此間精製筆墨之名家。現亦寥落如晨星矣。蓋此種  
藝業。在科舉時代。凡茅檐下士。藝苑羣英。無不與管城

子松滋侯結不解緣。迨學校開辦。鉛筆石墨。後來居上。舊日市廛。所猶孜孜者。僅以供登錄帳簿之用。而極品選毫。不復預備。卽有亦無人過問。且代價亦復奇昂。此亦歷史之創聞。而文房之厄運也。知

閣下收藏雖富。近今亦將告罄。茲特送上真正湖筆徽墨若干。希卽

管納。區區微物。本不足重。然因時勢變遷。竟不能不與敝帚同珍。可爲一歎。專此奉達。祇頌

台祉。

弟某某謹啓

月 日

○贈果品



某某仁兄足下。久未奉

教。懷想爲勞。比維

台候增勝。

潭第多綏。定如所頌。弟上月與某君作粵東之行。往返瞬  
已兩旬。彼中氣候。常年溫暖。土產品物。較他省美而且  
繁。古人所稱荔丹蕉黃。信非虛語。昨日檢點歸裝。所攜  
各種果品。半已壓損。茲特擇其可以適口者。寄呈荔子  
一簍。糖果六罐。請卽

督收。現擬於暇時。將閱歷所及之事實。編一嶺南游記。俟  
脫稿再行呈請

教正。專此敬請

近安。

弟某某謹啓

月

日

○謝友送酒

某某仁兄惠鑒。懽饒桑梓。快聚德星。念切蒹葭。每懷

卿月。迺荷

教函之賁。並承旨酒之頒。展誦神馳。拜

嘉心醉。弟才慙覆瓿。跡愧濫觴。傾蠲蓋以開筵。共欣浮白。寄魚書而布臆。謹效裁紅。爰肅區區。祇鳴謝謝。專此奉覆。敬頌

台祺。

弟某某謹啓

月

日

○謝友送花卉

某某仁兄執事。正切葭思。欣奉

華翰。重荷

芳蘭之惠。殊深削竹之銘。蕪抱歎騰。素心契合。就諗

履祺集吉。

潭祉延釐。慰如所頌。弟芳菲自愧。建樹未能。有懷王者之

香。慙難與伍。欲入

善人之室。願引爲朋。從茲臭味永孚。愈覺佩紉曷罄。專復

順請

台安。

弟某某謹啓

月 日

○謝人送竹簾

某某仁兄如晤。頃奉

手教。藉諭

近狀佳適。甚慰甚慰。弟處此夏日庭院。苦驕陽之當空。悵清風而不至。誠令人無可如何。倘有簾以爲之隔。斯趙盾不復肆虐。吉甫可以徐來。炎涼陡分。無須尋桃源於世外矣。乃

閣下適以竹簾見賜。真可謂熱火炕中。驟得一服清涼散。然鄙意更有愉快者。當夫明月初升。廊牖間一桁低垂。使每幅無不有庭中花木影。成爲天然圖畫。疎密橫斜。

維肖維妙。且令生香活色。時刻換形。坐臥觀之。栩栩欲  
仙。是卜畫而兼以卜夜。更爲受  
賜無窮。欣感何如。肅此鳴謝。祇頌

台祉。

弟某某謹啓

月

日

○謝人送鐵畫

某某仁兄左右。頃奉

手書。并承

惠賜鐵畫四幀。感何可言。惟弟聞此種鐵畫。係以熱鐵手  
捻而成。真是百煉鋼化爲繞指柔矣。然確未目見。頗自  
懷疑。今就

足下所頒者細觀之。洵可謂雅而不俗。巧而不拙。新奇而不陳腐。生動而不板重。四者兼而有之。較之東洋出品。更爲優美。乃中國既有此特色。而專銷之處。寂焉無聞。足跡所經。見者止有數處。花樣亦不甚多。倘有人改良而推廣之。亦我國極有價值之美術也。專此奉謝。祇頌台祉。

弟某某謹啓

月 日

○謝人送節禮

某某仁兄大鑒。頃承

惠賜品物。本不敢當。勉遵

台命。謹領某某兩種。

餘珍謹璧。謝謝。弟念吾輩相交。貴在率真。若逢節饋。送一事。似彼此亟應改良。爲社會倡。蓋以數月之人情。費之於一日。貧者既苦不足。不能不步武後塵。富者卽云有餘。不能不暴殄天物。何如概從撙節之爲愈也。鄙見如此。吾

兄得毋嗤其謬妄否。專此布悃。祇頌

台祉。

弟某某謹啓

月

日

○謝友送行

某某仁兄如握。日前走辭。未獲領

教。至以爲悵。弟於月之某日。安抵某處。一路妥善。足紓

遠念。惟臨走時。承

賜多珍。心領謝。其所以璧還者。非矯情也。蓋費人舟行。濡滯。一切恒虞缺乏。故至親好友。必須代爲種種之預備。近日交通便利。瞬息千里。並有一肩行李而無之者。何能更帶贅物。且此以李報。彼以桃投。不特暗中之耗費無窮。亦且客裏之心思徒擾。社會積習。似宜自吾輩。首先提倡而改良之。

閣下相知有素。當必有以

曲諒。而弗

斥其狂愚也。肅此布意。敬頌



近祺。

弟某某謹啓

月

日

●借債類

○借款置產

某某仁兄閣下。別來數月。如隔三秋。每憶

清輝。時勞企想。近諗

履候多忤。

潭庭納祐。爲頌爲慰。茲有啓者。近因某處田產五十餘畝。業主亟待變價他去。弟素知其地質腴美。水旱無憂。刻已與之議定價值。立契過戶。惟前途需款甚急。除已付外。尚缺六百元之譜。一時殊難周轉。務乞吾

兄撥借如數。俾得成全此事。則感荷  
盛情。實無既極。如蒙

概允。弟當卽來

前。署券領款。約期償還。是否乞

速賜覆。是盼。專此順請

台安。

弟某某謹啓

月

日

○借款婚娶

某某仁兄足下。小別旬餘。積思何已。比諗

興居多福。頌慰無量。弟前因家慈年老。中饋乏人主持。  
勉力訂婚。爲時已久。目下坤宅以女大須嫁。囑媒催卽

迎娶而約計一切從儉辦理。尙缺某某之數。殊覺難於籌措。因念

足下關切綦深。誼同骨肉。敢乞

惠假若干。俾資舉辦。倘荷

慨允。祈卽

賜我玉音。是禱。專此奉懇。祇請

近安。

弟某某謹啓

月

日

○借款就醫

某某仁兄惠鑒。抱病積時。屢勞

函問。感何可言。弟初嬰疾時。以爲無關緊要。乃延誤多日。

遂爲沉疴。現思往就某處醫院。或可較易治療。惟數月以來。醫藥之費。計已不貲。若再備款。實在無法可籌。因念素荷

閣下關垂。用敢乞

假數十金。以爲就醫之用。倘蒙

慨允。則渥承

高誼。沒齒不忘。一俟痊可。當即提前措還也。病榻心翹。惟

希

憐念。專肅奉懇。敬候

台祉。

弟某某謹啓

月

日

○致友催借

某某仁兄左右。日前奉懇一節。承蒙

慨允代籌。實深脚感。弟理宜靜候

台命。何敢繼續瀆干。惟事關緊要。遲恐慮有他變。萬一延誤。不特致失信用於前途。且於弟之機緣。大有妨礙。此

情諒亦吾

兄所深知。務乞

格外鑒原。將前

許通融之款。從速

惠頒。而玉成美舉。不勝盼禱之至。專此奉布。祇頌

日社。

弟某某謹啓

月 日

○爲友借款

某某仁兄閣下。匝月未晤。馳念良殷。比諗

履祺增進。爲頌。茲啓者。敝友某君某某。近有急需。託弟代  
懇

台端。通挪名世之數。三月爲期。弟與某君交好多年。知其  
最重信用。決不致偶有差池。倘蒙

推情允許。

惠借如數。心感同深。應需擔保。擬卽由弟任之。是否務祈  
賜覆。以便轉達前途。手此奉懇。順請

近安。

弟某某謹啓

月

日

○及期償款

某某仁兄左右。久未通訊。惟日以

履祉。緝延爲頌。弟前以急需。承荷

惠貸某數。俾資接濟。感戢莫名。現已屆期。不敢恃

愛延緩。致負失約之愆。用特設法湊集如數。外加子金若

干。一併遣價賚奉。至祈

警收。卽

賜復函。容日趨謁

台端。再當泥謝。專此祇請

近安。

弟某某謹啓

月 日

○逾期償款

某某仁兄惠鑒。日前接奉

教言。未卽裁答。實因

尊款一時難於措齊。不敢以空函上復也。弟自叨附  
交末以來。辱承

關顧。感何可言。况上年向挪之款。實係濟我燃眉。理應及  
早歸還。以全信用。奈弟預備某處抵償一項。迄今始能  
繳到。以誤致誤。咎無可辭。茲計該款及子金若干。一併  
如數奉上。至祈



查入收據乞卽交去人帶回。逾期之罪。心實難安。統容面謝不盡。專此祇頌。

台社。

弟某某謹啓

月

日

○緩期償欸

某某仁兄執事。奉誦

惠緘。感愧交并。前承

賜假一欸。延未歸趙。非敢度外置之也。弟年來債臺高築。大約不下千餘金。移東補西。實非善策。決計將某處房產變價。一輕擔負。乃磋商至今。尙未就緒。以致尊欸無着。不得不失信遷延。惟一俟房產議定得價。當卽

首先奉償。斷不再行食言。務乞

閣下俯念難處。寬限兩月。是所至禱。肅此奉懇。敬頌

台祺。

弟某某謹啓

月 日

○索還借款

某某仁兄執事。咫尺

芝暉。積冗有疏。晤

教。歉甚。前者移挪之款。以

誣諉不獲辭。且約以限期歸還。俾可到時應用。故勉從

尊命。乃計及今茲。逾限多日。此項未荷

惠擲。倘他處尙可通融。何敢率情而直瀆。奈一時既無從

設法要需又萬難遷延。不得不逕請  
台端。如約見償。以紓困難。想

知我者亦必能急我也。臨池急盼。謹候  
復音。專此布意。敬頌

日祉。

弟某某謹啓

月 日

○責延償欸

某某仁兄台鑒。月初郵布寸緘。具道爲難各節。滿望  
報書下逮。必可與該欸偕來。乃展讀

手教。依然慰以空言。誠非意料所及者。弟與

閣下相交有年。甚不欲如世俗所爲。以此區區者而致生

惡感。然據

閣下節節誘約之詞。實已迹類遷延。豈不令人氣短。茲特

與

君約。再緩一月。以觀後效。倘屆時仍不踐言。則是

閣下有意欺故人。弟亦不任受矣。手此奉復。順請

近安。

弟某某謹啓

月 日

允郤類

○允友撥借

某某仁兄閣下。昨奉

惠畢。備荷

注存。卽譖。

動履罄宜。甚慰甚慰。承

示。近有要需。

囑卽代籌。弟思彼此通融。事所常有。無論如何力絀。亦當

勉爲措應。茲設法騰出撥款如數。遣小价賚呈。

台端卽祈

警入。并

賜復音。至約期一層。想交好相關。斷不致淪信用也。專此

奉復。敬請

近安。

弟某某謹啓

月

日

○允代墊給

某某仁兄台鑒。頃奉

手書承

委代購物件。應需銀兩。

囑爲墊給。敢不遵

命。乃又有聽償拆息等語。抑何見外。乃爾。如彼此本無交

情。卽厚給子金。而欲憑一紙空書。代付欸項。誰其信之。

若旣相知有素。猶必斤斤計較於錙銖。豈不令管鮑笑

人。至於劃付一節。遲早悉由

尊便。請弗亟亟。如仍言及拆息。則後有

見商決不應付矣。專此奉復。祇請

大安。

弟某某謹啓

月 日

○允代解紛

某某君台鑒。弟於某某二姓之事。早有所聞。緣一方面略有親誼。強爲干預。不特無濟於事。且恐招偏袒之譏。故落得置身事外也。頃讀

手示。知渠等事已決裂。勢將涉訟公庭。而兩造成思得鄙人一語。以定從違。按諸排難釋爭之義。何忍袖手旁觀。矧重以

諄諄雅囑。自當力効棉薄。代爲解紛。惟於何時何地。開談

話會請先期

示知爲盼。肅此奉復。敬頌

近祉。

弟某某謹啓

月

日

○允與聯婚

某某仁兄左右。昨奉

惠教。承蒙

雅意。爲某君某某之仲子。求與小女結婚。聞

命之下。當卽商之內人。亦得同意。且喜幼同里。長同學。現

雖踪跡疎闊。數年前固兩小無猜。兼之彼此通家。又素

悉性情學問。今茲得施薦蘿。是可於守古之中。仍寓自



由之意。既承不棄。卽請

執柯。惟世俗繁文。必須淘汰。將來採用文明結婚式。崇簡易而除耗費。使鄉里有所矜式。某君達者。諒表同情也。專此奉復。祇請

台安。

弟某某謹啓

月 日

○允作證人

某某仁兄執事。頃讀

惠書。知某君爲某事。因無確證。將受大冤。

囑弟出場表白。以解其圍。弟思此事。實係當日所目擊者。偷袖手旁觀。不肯涉足公庭。是第保全自己之名譽。不

惜斷送他人之性命。較之落井投石。無甚相殊。且律以我雖不殺伯仁。伯仁由我而死之義。此心更覺囂然。從長計議。決定。

台命是遵。卽希

轉致前途。可引鄙人爲證人。若審判有期。當不惜一往。以昭雪此覆盆也。專此奉覆。順頌。

台祉。

弟某某謹啓

月 日

○允襄善舉

某某先生閣下。屢擬函候。

起居。輒以乏便中止。稽康性懶。想

故人亦當原諒也。頃奉

手教。就諗

行道有福。如頌爲慰。承

示我鄉某慈善事。現已成立。

囑爲襄助。謹當遵

命。蓋弟留意於此事者已久。所苦日不暇給。有志未逮。今

幸得所憑藉。譬之既有基礎。祇須合籌建築之資。既具

帆檣。祇須同效駕駛之力。是

諸君子已謀其始。而鄙人安享其成。事半功倍。微倖多矣。

所有章程捐冊等件。卽希

擲交。以便轉爲勸募。如有成數。隨時報

聞可也。專此奉復。祇請

台安。

弟某某謹啓

月

日

○卻友撥借

某某仁兄左右。頃奉

手書。如親

眉宇。就諗

起居安吉。

潭第康綏。不勝欣慰。承

囑一節。弟苟可盡棉薄。無不勉爲其難。奈年來食指屢增。

擔負愈重。且所入不敷所出。時有支絀之虞。在表面似仍係舊日規模。其實內容早已枯窘。聞

教之下。愛莫能助。獨足徒嗟。既恨無實力分憂。復愧以空言報

命。私衷歉仄。良難名言。忝在

知交。務祈

格外原諒。是禱。專此奉復。祇請

台安。

弟某某謹啓

月

日

○卻難介紹

某某仁兄如握。正殷翹企。忽奉

德音就諭

近祉增綏。甚慰甚慰。承

囑介紹。本應效勞。奈弟與某公。前茲僅於稠人中一面。其後既乏杯酒之雅誼。又無簡札之往還。率爾進言。未免涉於冒昧。况聞某公現方趨重勢利。對於平時舊友。動輒待以閉門羹。若毫無感情如弟者。豈能使之眴睐。遽加再四思維。實因交淺而無從爲力。方

命之愆。尙乞

鑒原是幸。專此卽請

台安。

弟某某謹啓

月

日

○卻延聘

某某先生閣下。別來正念

叔度不置。接奉

惠畢。就論

福履勝常。至以爲慰。承

示。將以某事相委。弟雖不才。敢不勉竭庸愚。以副

台教。奈弟自歸里以來。一則因久延之俗務。亟須逐一清

理。以免混牽。二則因賤體近患虧損。不能耐勞。若勉強

相從。必致誤事。不得已有方

尊命。抱歉實深。忝附

愛未尙乞

鑒諒下懷是幸。肅復祇請

近安。

弟某某謹啓

月 日

○卻聯婚

某某仁兄台鑒。頃奉

手畢。辱荷

注存。卽諭

履祺。蕃楸。忻慰無量。承

教訂姻之事。弟理宜謹遵

台命。以副殷殷介紹之熱忱。乃事有與願相違者。一則因



某君門第高華。寒素實難攀附。二則因小女年齒尙幼。議姻一節。似當從緩。三則因路程遙隔。將來姊妹往還。殊多不便。緣此種種情由。致負

美意。抱歉良深。叨在

知交。想不以飾詞見責也。肅此奉復。祇請

大安。

弟某某謹啓

月

日

○卻冶遊

某某仁兄賜鑒。日前得聆

大教。快慰積衷。頃奉

手書。辱蒙

寵召共集鷗波知

執事采烈興高及時行樂

名流勝概寄託懽場。歡侶命儔必極一時之盛。弟未持綺  
戒。豈敢矯情。實緣近來意趣頽然。倦談豔史。偷勉強應  
命。恐座隅廁一木偶。不但羣雌嗤之以鼻。且反令同席敗  
興而寡歡。緣此有負

雅意。尙乞

鑒原是幸。肅復敬頌

台祉。

弟某某謹啓

月

日

● 唁慰類

○唁人丁祖父憂

某某仁兄素鑒。昨讀

大訃。驚悉

太老伯遽捐館舍。愴悼曷勝。吾

兄親承

祖蔭。自必悲痛逾恒。何敢更以世俗譬慰之浮詞。遽陳

左右。第念平時所

築誨同聆者。於民國國體問題。最爲

注意。今茲

撒手西歸。不在袁氏稱帝之時。而在共和復活之後。想見

志願已酬。當無遺憾。

閣下亦惟承先啓後。以仰慰

在天之靈而已。謹具素幃一懸。卽乞

鑒存代薦爲荷。發引有期。當再親來執紼。以盡寸忱。專泐

奉唁。敬請

禮安。諸惟

葆衛。

弟某某謹啓

月 日

○唁人丁祖母憂

某某仁兄苦次。日前奉到

訃音。驚悉

太老伯母。錦堂棄養。不勝泣然。吾

兄念切報劉。自必逾恆哀痛。惟思

太老伯母壽臻八秩。飴見重舍。今雖

歸真於天上。當無遺憾於人間。尙冀

釋懷自玉。毋過哀思。是所企禱。弟以河山修阻。不獲叩奠

慈靈。敬備楮儀一函。用申下悃。卽乞

代薦是盼。專此奉唁。

孝履。惟希

自衛。

弟某某謹啓

月

日

○唁外艱

某某仁兄。苦次。頃奉

大計。驚悉

老伯忽捐館舍。不覺涕零。痛

老成之見背。嗟

道範之云遙。瞻望雲天。曷勝於邑。吾

兄純孝性成。一旦

音容頓隔。哀號擗踊。自極悲愴。惟念

萱室平安。春暉未艾。姜魚孟筍。正待承歡。尙祈

勉節哀思。以慰

慈意。是所至禱。茲先謹具香儀。乞登

靈右容再升堂叩奠。以盡敬忱。專此奉唁。

素履惟希。

自衛不既。

弟某某謹啓

月

日

○唁內艱

某某仁兄苦次。頃奉

大訃。驚悉。

老伯母仙逝之耗。不勝愴惋。吾

兄純孝性成。擗踊呼號。自必逾恆哀毀。第念

椿庭健在。愛日方長。尙期擗節悲思。勉承色笑。以慰

老人傷感之情。至深盼禱。弟遠羈不克叩奠。謹具呢幃一

懸輓聯一副乞登

靈石藉表微忱。端此奉唁。

孝履并問

禮社。

弟某某謹啓

月

日

○慰人喪偶

某某仁兄左右。不晤

芝儀。瞬經一月。雲天遙望。倍繫馳思。頃接

訃音。驚悉

嫂夫人仙遊之耗。不禁代爲慟然。以吾

兄伉儷素篤。一日折此比翼。應不減奉倩悼亡。愴懷何極。



惟念

嫂夫人壺儀素著。戚鄰翕然推稱。且階前蘭玉均已長成。似此德全福備。亦無遺恫矣。尙祈吾

兄勉抑哀思。

達觀自愛。是所至禱。弟以山河修阻。未能趨奠。靈前謹具楮儀。用伸微悃。卽乞飭存爲荷。專此奉慰。祇請

近安。諸維

珍攝。

弟某某謹啓

月 日

○慰人喪兄

某某仁兄左右。久未奉

書。正深馳念。昨得

手示。驚喜。

令兄某某先生。遽捐館舍。愴悼曷勝。想吾

兄友愛情摯。傷痛自必逾恆。非一時所能排遣。惟念上釋

高堂之悲懷。并撫遺孤於身後。責任所在。如何重大。知非撫

棺一慟之足以了局也。尙祈

強抑悲懷。以慰遠企。是禱。弟路遠事羈。趨奠未能。特附呈

唁敬一函。卽乞

代薦。專此奉慰。祇請

台安。

弟某某謹啓

月

日

○慰人喪弟

某某仁兄台鑒。今晨接奉

訃音。驚悉

令弟修文赴召。曷勝惋悼。隕池塘之春草。落臺榭之荆花。

想吾

兄友愛性成。自必逾恆傷感。惟是

老伯母暮景桑榆。愛憐少子。遭斯不幸。愴痛可知。尙期吾

兄強抑悲懷。勉承色笑。以慰

慈廬。無任盼禱。茲特先修寸簡。敬布唁忱。容日再當親謁

靈幃一伸叩奠。專此奉慰。敬請

侍安。

弟某某謹啓

月 日

○慰人喪子

某某仁兄閣下。翹企

清標。輒深洄溯。頃晤某君某某。始知 今郎甫當毀齒。忽

悼蘭摧。仰問蒼蒼。何堪搔首。第西河抱痛。北郭含悲。父

子之間。情深而數輒左者。不可勝指。尙望吾

兄格外達觀。逆來而順受之。矧未屆商瞿之年。應更協熊

羆之夢也。諸惟

寬懷。自玉爲禱。尚此馳慰。祇頌

健安。

弟某某謹啓

月 日

○慰問友病

某某仁兄左右。久未奉

教。馳念正深。頃晤某君某某。始悉

貴體違和。爲時醫所誤。尙未見痊。聞之至爲懸系。弟思吾

兄平日體質素健。此次抱有

清恙。想係因任事積勞所致。尙望

加意調護。勿惜醫藥之資。天相

吉人。必可漸復原狀。惟近日病情。究竟如何。務乞

見示大略。以慰遠懷。專此奉布。祇請

痊安。

弟某某謹啓

月 日

○慰人被盜

某某仁兄左右。頃奉

手書。知

尊府忽遭盜劫。驚駭之餘。不勝喟系。吾

兄本非富豪。何亦爲暴客所顧及。良由貧民失業。饑寒交

迫。遂不得不發見搶劫之行爲。惟

足下罄其所有。蕭然環堵。撫此情景。其何以堪。然

身外之物。自我得之者。聽其自我失之。尙祈

付諸達觀。徐圖恢復。是禱。肅此奉慰。祇請

台安。

弟某某謹啓

月 日

○慰人被竊

某某仁兄台鑒。逕啓者。刻聞前月某日。

貴府被竊。失贓頗鉅。

尊意不欲鳴官。計亦良是。蓋今日國體雖更。而地方警政。仍然腐敗。凡遇人民報告竊案。彼即知贓之所在。未必代爲力追。且追之未必獲。獲之亦未必全。而例外之需索。勘驗之供給。種種損失。或反過於所償。真不如不報告之爲愈也。吾

兄明見及此。竟置身外物於無足重輕之數。此種

識量。實難於流俗中得之。惟究竟失贓若干。及被竊情形。

尙希便中

賜示是盼。專此布意。祇頌

近祺。

弟某某謹啓

月

日

○慰人火災

某某仁兄大鑒。久聞

音譚。方深馳繫。頃奉

手翰。驚喜

尊府失慎。不覺拊膺。仁德如吾

兄。竟遭此意外之災。仰首蒼蒼。抑何顛倒若此。繼思顏貧



冉疾。古之聖賢且然。或者天心高遠。乃爲

君蕩除宿晦。改換

高門。卽從此蒸蒸以日上。燁燁其興隆。而祝融之降。殆爲預兆也。塞翁失馬。焉知非福。尙祈

足下達觀一切。不以此鬱鬱。是所至禱。專此奉慰。祇請近安。諸惟

珍攝。

弟某某謹啓

月 日

○慰人被誣

某某仁兄惠鑒。昨晤 令親某君。始悉吾

兄現因某事。以致受人汗穢。凡在知交。咸爲抱憤。而

閣下竟處之泰然。甚善甚善。夫武叔毀仲尼。臧倉毀孟子。聖賢猶不能免意外之訕謗。況不及仲尼孟子者。能無迴黃翻綠。指白爲黑。飽受當世之譏評。使非淡然忘之。適足墮奸人之計。故不如自安緘默。終有水落石出時也。語云。禦寒莫如重裘。止謗莫如自修。

閣下可謂先得我心者矣。專此奉慰。祇頌

台祺。

弟某某謹啓

月 日

○慰人敗訴

某某仁兄左右。昨晤某君某某。始悉

閣下爲某人誣控。兩造延律師到堂。竟至抱屈。不勝忿忿。

斯固人情所難免者。然弟謂公道自在人心。於名譽上實無所損。況此事雖託諸律師。初不知律師卽訟師之變相。以金錢主義爲重。以淆亂黑白爲能。有髡衍之長。雖曲亦直。無蘇張之辯。雖是亦非。曲直是非。均由律師之能力爲之。而當事人之勝敗。旣非自主。又何關夫輕重也。尙祈

閣下坦然處之。不必

介意是禱。專此奉慰。祇頌

台祺。

弟某某謹啓

月

日

○慰被捲逃

某某仁兄惠鑒。頃奉

手書。始悉上年所納

尊寵。忽自捲逃。在

閣下之意。亟欲控追。弟謂此斷斷不可。蓋不但於

名譽上關繫甚重。且其去也。轉足爲

閣下賀。緣該妓著名揮霍。負債纍纍。雖言從良。實名淪浴。

豈能踐白頭之約。况其人去。計一朝之損失。現且一萬

而不足。如其人在。計十年之損失。或將十萬而有餘。何

僅於近且小者是惜。而不思及遠且大者。弟聞有人娶

妓。苦於不能供給。嘗曰。恨不得仇家送之。此種事實。最

可深長思也。尙祈

達觀自遣。置諸不論不議之條。是幸。專此奉慰。祇頌

台祺。

弟某某謹啓

月 日

訂約類

○訂期會晤

某某仁兄惠鑒。不親

大教。忽又月餘。一日三秋。思何能已。近諗

興居暢適。公私勝常。爲頌爲念。弟日內偶抱小恙。刻雖就  
痊。而意趣索然。百無聊賴。間或瀏覽報紙。以爲消遣之  
資。乃所載新聞。非云內政雜糅。卽云外交失敗。愈覺腦

筋激刺萬感。槓大右鬱積於中。無可告語之概。吾兄倘能惠臨一敘。揭我悶懷。務乞

賜訂時期。弟常掃徑以待也。手此順請

近安。

弟某某謹啓

月

日

○訂期在他友處會晤

某某仁兄左右。連日風雨。頗念

故人。頃奉

手畢。備承壹是。弟近來困於俗冗。某事問題。實亦未遑顧及。吾

兄現既注意於此。必須約期面議。方可決定方針。惟彼此

往來地點相距太遠。欲求適中且便。莫如卽假某君處。權爲晤敘之機關。用特肅布

台端。請

大駕於下星期午後二時。

惠臨該處。勿延是幸。某君處亦去函知照矣。專此順頌  
台祉。

弟某某謹啓

月 日

○訂期餞行

某某仁兄足下。旬餘違

教。惟日以

起居安適爲頌。茲啓者。刻聞某君某某。不久卽行北上。凡

在至好。均有黯然惜別之情。弟昨與諸同志擬定是月某日假座某園。公同餞行。以盡友誼。想吾兄當亦贊同。因特專函奉

聞。務乞屆時

駕臨。一圖歡敘。是盼。專此奉布。即請

台安。

弟某某謹啓

月

日

○訂期同歸

某某仁兄大鑒。許久不晤。想

台候安佳。爲慰。茲啓者。頃晤某君。述及

足下擬於月內返里一行。聞之不覺忻然。因弟昨得家報。



爲某事促卽旋歸。惟計料理各事。尙須耽延數日。方可  
登程。倘蒙

不棄。

許我伴偕。望卽

示定行期。以便束裝趨候也。專此奉布。順請

時安。并盼

賜復。

弟某某謹啓

月

日

○約友觀書畫會

某某仁兄青覽。逕啓者。刻聞某處書畫會開幕。上流人物。頗  
樂趨而賞識之。蓋緣我國書畫。代有名家。一入鑒古者

之手。無不珍若拱璧。乃世界交通以來。所有歷代寶藏。被碧眼兒木屐商陰取而豪奪者。指不勝屈。今該會中所陳列。不知幾經流落。幾經輾轉。始有此僅存之碩果。使不急飽眼福。竊恐極有價值之零縑斷帛。將來必難再得機會。而縱覽及之。弟於明日午後。準詣

台端。邀往該會一行。祈勿駕出是禱。專此奉布。祇頌

台祉。

弟某某謹啓

月

日

○約友觀蘭花會

某某仁兄左右。頃奉

手教承以蘭品相

詢弟於此道雖未經研究。然嘗聞一幹一花者蘭。一幹數花者蕙。世恆誤蕙爲蘭。殊不知蕙多素心。而蘭則僅見緣素心。蘭多係柳葉瓣。荷瓣。若梅瓣。水仙瓣。尤不易得。上年有持素心蘭求售者。以中心一瓣。圍有紅綫。却之後始悉爲楊妃舌。乃無上之奇品。而弟竟失之交臂。至今猶覺可歎也。某日某園蘭花會開幕。陳列之品類必多。尙祈

鼓興同往一觀。是訂。專此奉復。卽頌

台祉。

弟某某謹啓

月 日

○約友觀菊花會

某某仁兄賜鑒。逕啓者。此次某園菊花會開幕。聞較去歲之布置更佳。弟平生與此花結不解緣。因其色色形形。恆有出人意料之外。且能孤芳自賞。不與凡卉爭妍。世以晚節稱之。洵爲不誣。至弟急欲一擴眼界於該園者。更有深意。蓋既無朝夕灌溉之勞。而且無遠近搜羅之費。於一剎那間。集得數十百種之燦爛雲霞。盡教映入眼簾。愛菊淵明。無此豔福也。刻已代足下購得入場券。望於翌日下午。

惠臨。弟舍相與往觀。幸勿

客玉是盼。專此祇頌。

日祉。

弟某某啓謹

月

日

○約友踏青

某某仁兄足下。不悟

教者又旬餘矣。寒侵簾雨。夢擾鈴風。悶坐遺懷。除評量酒  
味外。別無所事。因念

足下離羣索居。當亦同茲清况。乃昨日天公做美。特放新  
晴。頓覺淑氣迎人。生意怒茁。開軒引睇。一碧杳然。想此  
時郊外景物。當更有獻媚貢姿。益臻佳勝者。知  
達人別饒興致。

及時行樂。當不肯負茲韶光。明日午後一旬鐘。卽希左顧。相與踏青而紆積痼。用先奉訂。已飭小奚。料量酒榼。茶籠矣。專此順頌。

起居。

弟某某謹啓

月 日

○約友登高

某某仁兄惠鑒。久間趨談。思隨時積。近想

動定馨官。爲慰爲念。茲因客中佳節。又屆重陽。枯坐蕭條。殊少趣味。城外某山。挺然秀出。聞其中頗多古蹟。且相距不遠。擬儘一日時間。當可往返。而畢登臨之勝事。惟獨行踽踽。實無興會之可言。因思

足下癖愛遊山。且稱健步。用特奉約。

台駕於明晨。

惠臨敝處。偕往一行。以暢胸襟而快眼界。蓋我輩固別有寄託。非若流俗徒沿登高之習慣也。乞勿。

吝玉是幸。專此卽請。

台安。

弟某某謹啓

月

日

○約友酒敘

某某仁兄左右。久隔。

光塵。輒思。

舊雨。不知近來。

雅興如何。弟現拋除一切。日在醉鄉。已不覺人世憂愁爲  
何事。惟此間麴秀才。含有酸氣。祇好慰情聊勝於無。實  
不足以速我。

良友。昨由舍親送來某處醇醪一壘。弟嘗試之。不但清香  
撲鼻。而且濃味洽心。洵可稱萬山中之歡伯也。用特奉  
邀。

玉趾來共一醉。藉暢胸懷。明日午前。佇待  
光降。祈勿遲延。是幸。專此祇請

台安。

弟某某謹啓

月

日

○約友茶敘



某某仁兄惠覽。昨承

枉駕。失迓。至歉。今晨造

府。又值

公出未晤。彼此參商。緣慳已極。弟本擬今晚再行趨候。嗣

因

尊務繁劇。又恐虛此一行。茲特敬訂於明日下午三時。乞  
駕臨某某茶社一敘。以便奉

教。是荷。專此卽請

台安。并盼

惠復。

弟某某謹啓

月 日



# 新分類尺牘大全外編

## ●尺牘擷錦

### ○四時節序

春令。花心夢醒。草脚愁回。鶯初學囀。蝶欲試飛。三三

節近。九九圖消。百花宿雨。萬井新烟。

正月。候當振蟄。時屆放鳩。風嘯宜甲。月令當寅。風暄

日麗。燕舞鶯啼。春風豔冶。韶景鮮妍。三陽啓泰。四

序履端。杏林絢錦。柳岸垂絲。立。春。金幡承瑞。玉律回

春。綵仗爭迎。青旛乍立。旦。元。三元肇慶。六呂司春。

獻節方開。初陽始動。

元宵燈火皆春。樓臺不夜。

燈排

火樹月滿。星橋金吾放夜。玉漏停聲。

閏日積兩元

月添一閏。莫添翠葉。樹厄黃楊。

二月

探花穀日。問柳芳辰。玳梁迎燕。錦樹遷鶯。

風傳

花信。雨濯芳塵。桃腮暈赤。柳眼舒青。

鶯梭巧織。蝶

翅輕翻。花飛似錦。鶯囀如簧。柳線垂金。花茵展綵。

花朝撲蝶佳辰。浴蠶令節。二分春色。一派韶華。

春分三

春合半。百刻平分。雁去燕來。鶯歌蝶舞。

閏月仲春紀

閏積雨留寒。野鳥留春。岸花戀曉。

三月

嫩綠凝眸。深青橫黛。林鶯出谷。園蝶尋芳。

桃雨

翻紅萍。星點綠。榆火吹烟。柳綿飛雪。折柳愁濃。賣  
花聲。俏人逢。拾翠候。屈踏青。輕風颭蝶。細雨催鶯。  
綠楊烟外。紅芍風中。苔生曲徑。花點清溪。香風  
試馬。暖日祈蠶。已上曲水流盃。浮橋爭渡。藥圃尋春。  
蘭亭修禊。寒食餞簫咽暖。酒榼浮香。買春價賤。禁火  
時新。杏酪浮香。藍盃泛酒。海棠時節。薺菜人家。  
東風作節。暗雨銷魂。清明鶯啼柳陌。酒酌花村。菜挑  
郊北。酒熟江南。友誰結伴。客正思家。閏月惟暮之春。  
歸奇於閏。蝶悵花殘。鶯啼春老。  
夏令。丹魚映水。黃雀迎風。葛巾筠席。豆架瓜棚。黃梅

時節。青草池塘。秧針刺水。麥浪翻風。

四月

笏老蘭長。麥黃甚黑。麥秀青疇。梅肥紅樹。風光

淡蕩。天氣清和。烏方布穀。人正分秧。雨釀黃梅。日

蒸綠李。夏立斗指東南。薰生殿閣。金垂梅檻。珠瀉荷

盤。紅綻櫻珠。青抽笏角。月間月臨中度。日積餘分。

梅黃愁雨。草綠舞風。

五月

甘雨蘇苗。薰風解慍。風落梅圓。雨邀竹醉。萱開

錦帳。榴綻絲囊。柘村陰密。草閣寒深。榴火舒丹。槐

陰結綠。午端節屆天中。辰逢地臘。蘭蕩薦浴。蒲酒浮

觴。金包角黍。玉切香蒲。糉宜百索。花進五時。至夏

風自南來。日方北至。時逢陽盛。候紀陰萌。花磚日  
永。柳岸雲回。閏月維夏之中。正時以閏。池荷泣露。院  
竹迎風。

六月 蓮渚風清。桐軒月朗。雲峯疊出。霞錦平鋪。觴方

酌。鶴羹正陳。蠓冰簾却暑。雪館招涼。盤堆雪藕。座

泛冰桃。蓮花介壽。芝草尋香。葵傾烈日。槐動薰風。

荷風扇暑。黍雨流膏。伏日鶉火臨躔。庚金在候。尋

涼小簟。避暑閒窗。閏月夏衡書季。月琯歸餘。

秋令 水天一色。風月雙清。氣澄蘭沼。風動桂林。金韞

秩序。玉宇敷涼。張翰蓴鱸。陶公松菊。

七月 炎風消夏。淡月橫秋。玉宇秋澄。銀河夜朗。新涼

晚透。爽氣朝來。令移菽序。興適蘭秋。秋立斗柄初移。

杵聲甫擣。梧葉庭飛。桂林階動。夕七星池波淡。銀漢

風清。橋渡雙星。縷牽五色。月閏一閏歸餘。雙星重會。

蛩韻吟秋。雁聲啼暮。

八月 望月情牽。觀濤興壯。露湛清華。雲空碧漢。秋中玉

律司中。銀蟾正滿。滿天月朗。永夜風清。金蟾耀彩。

玉兔分香。月光皎潔。秋氣平分。月閏時屬中秋。月添

一閏。蟬號古木。燕別雕梁。

九月 風淒露冷。霜肅秋高。白雁書天。黃花匝地。楓凋



江錦菊綻籬金。黃柑無恙紫蟹初肥。蘆將颯白葉

正辭青。

重陽

景佩囊。孟嘉落帽。

佩萸佳節。泛菊良

辰。白衣送酒。彩管題糕。

閏月

月餘一閏。日展重陽。

蛩音悲砌。雁陣橫天。

冬令

水澄清。月草靄繁霜。

溫愉獸炭。冷覆鴛衾。

長松

點雪。古樹號風。黃醅綠醕。絳帳紅爐。

十月

日行北陸。春到南枝。

烏浴逢時。雁飛入候。

橙黃

橘綠。蘆白楓丹。野稻穫初。嶺梅開乍。

立冬

斗旋北指。

日影南回。

晝閣火烘。玉壺冰結。

霜凌梅蕊。雪冷楓

林。灰動羽音。冰凝陰氣。

閏月

小春重展。積閏歸餘。

風木聲寒。雪山容老。

十一月 長天凍雪。大地飛霜。窗梅橫月。簾雪飛花。六

出迎祥。一陽納慶。臘將舒柳。寒欲放梅。梅月半窗。

松風一枕。至冬五紋添線。六管飛灰。書雲令節添線。

佳辰。節屆藏冰。辰逢負曝。春借三分。陽添一線。

寒消九九。陽啓重重。閏月節臨互歲。月犯餘分。霜凋

楓冷。月淡梅寒。

十二月 戲效藏疆。興添擊鼓。椒觴開臘。梅信傳春。光

搖銀海。凍合玉樓。風清宇宙。雪霽乾坤。梅花照席。

竹葉浮盃。除夕椒花餞臘。爆竹催春。畫閣迎春。錦筵

守歲。

閏月

寒逼周年。閏以成歲。

星回月展。風苦雲愁。

○職官稱頌

內閣

望重秉衡。愜輿情以盡職。勳昭內閣。贊元首而揚休。

外交

外交內治。綜經緯於萬端。福國利民。鞏共和於一統。

部

慎重邦交。悉訂謨而定策。維持時局。綜和會以成功。

內務

機要洞明。信交鄰之有道。聲譽翔洽。聯與國而言歡。

部

區明疆理。敷自治之新猷。用立紀綱。宣共和之文化。

財政

篤棐一心。急斯民之先務。經綸萬彙。綜內政而修明。

部

預算有方。既量入以爲出。生財不匱。復開源而節流。

利用厚生。注重司徒之職。截長補短。預儲軍國之需。

陸軍 勳高戎府。鞏五族之國防。職掌兵樞。綜八方之師旅。  
部 整軍經武。運韜略於元戎。保國衛民。任機樞於司馬。  
海軍 海權注重。裕武庫之雄才。艦隊統司。邁樓船之偉績。  
部 掣電飛輪。用擅軍港之勝。乘風破浪。綜持領海之權。  
教育 統士農工商兵。普增學識。合漢滿蒙回藏。造就人材。  
部 科學光昌。促文明而日進。國民樂育。敷教化而風行。  
農商 順天時分地利。民生在勤。通財貨競智能。邦本斯固。  
部 通商惠工。增富強之實力。厚生利用。昭殖業之宏規。  
司法 法意涵濡。宜猛寬之兼濟。祥和溥被。仰條教之森嚴。  
部 辟以止辟。敷德化於羣倫。刑期無刑。闡文明之法理。

交通 路航郵電。資綜策於四科。海陸工商。利貫輸於萬脈。

部 同軌同文。神既周於步亥。實心實力。道更暢乎由庚。

參謀 計畫咸宜。運奇籌於帷幄。指揮若定。決勝算於疆場。

部 臨機變化。腹中自有甲兵。借箸定謀。闔外咸承鈐轄。

秘書 馬工枚速。擅蓮幕之才華。蘇海韓潮。敷蘭臺之文藻。

議院 參密謀於樞府。智遠才高。馳聲譽於文壇。仲宣學博。

代表輿情。負公民之責任。提交議案。重立法之機關。

獲選青於社會。熟悉民情。資建白於國家。主張法治。

督軍 裘帶雍容。總師千於元老。節麾焜耀。付闔寄於奇才。

仗節總戎。備巖疆之重寄。登車按部。行都督之特權。

省長

誦价人於周雅。望重維藩。稽岳牧於虞書。名高方伯。

爲省區之主宰。整飭官方。負保障之責成。勤求民隱。

鎮守

借虎臥以當關。風清玉帳。資龍驤而作鎮。氣壯金城。

使

撐節旄於半壁。屹爾干城。鎮牙纛於全軍。巍然砥柱。

公使

命銜民國。行貫月以乘槎。望重鄰封。炳使星而駐節。

敦槃輯睦。審世界之潮流。玉帛聯歡。覘外交之趨勢。

道尹

問俗采風。倡循聲於閭境。安民察吏。敷愷澤於茲邦。

木六條而按俗。績重保釐。憑五德以觀風。符分鎖鑰。

縣知

剖竹分符。雅擅烹鮮之治。鳴琴協化。足徵製錦之才。

事

研求文化。允兩漢之龔黃。卓著循譽。洵一時之卓魯。

師長

易著丈人。膺三軍之總制。詩稱元老。壯萬里之長城。

教正教奇。掌六師而奮武。練時練地。合七萃以宣威。

警察

績著清鄉。建保安之德望。聲稱轄境。表自治之精神。

廳

詰姦禁暴。民商合頌。勤勞除莠。安良社會。咸蒙幸福。

檢察

職司檢舉。無弛五禁之防。律重執行。獨立三章之法。

廳

依法詰姦。制國民於正軌。明刑弼教。掌邦禁之定科。

審判

制刑惟允。雲司利用文明。決獄皆平。星法維持綱紀。

廳

判決情由。既五聽而三慮。審詳法理。敢曲筆而深文。

文職通用

循良第一。治行無雙。山川增爽。共瞻鳧鳥之

臨。風俗還淳。暫屈牛刀之試。匡時礎柱。濟世舟航。

操凜四知。月映懸魚之舍。政成三異。風清馴雉之鄉。

呂綿竹爲一州之首。蔣公琬饒百里之才。麥秀聽行

歌。碧月管弦千陌。沸花深看臥治。紅雲襦袴萬家濃。

耀日彤蟾儼度。飛旗之色。行春紫馬爭瞻。列戟之儀。

攜清風於兩袖。鶴與琴來。灑靈雨於一犁。犢從刀買。

借寇君於一載。留董令於斯須。樂公立社。石相建祠。

戴星奉職。酌水盟心。績樹循良。政成課最。士庶

含恩。鼎彝紀績。古今治亂之故。已窮委而溯源。保邦

宣化之猷。能洞微而晰秘。詩書法律。融冰雪於晶壺。

語默步趨。凜規繩於玉尺。識朗然犀。狐絕憑城之尾。



政除害馬。鴻稀繞澤之音。入境而布德音。漸涵化育。  
下車而宣闔澤。率被生成。治賦治兵。有爲斯遠。乃文  
乃武。時措咸宜。布新風而革舊俗。傳治譜而揚頌聲。  
當積歲凋疲之境。展生平盤錯之才。震奸吏於雷  
霆。蘇疲民於甘雨。英聲騰於上考。茂實峻於華聯。  
知雲龍風虎之交。亟須名世。想舟楫鹽梅之用。寧止救  
時。紅旌啓路。紫綬登壇。澤侔春露。潔齊冬冰。河  
陽錦繡。單父弦歌。鶴署清標。琴堂雅化。製錦仙才。  
囊錦織成千室錦。栽花妙手。筆花散作一城花。人懷  
杜母休風。耕桑安堵。士被文翁雅化。俎豆升堂。靈襟

巖峻識字嚴明。大法小廉。文全武備。灌輸所仰。擢  
節宜先。清能勵俗。仁以敦風。官俸魚租。衙齋蜃氣。  
信成庶績。典領名都。文翁化蜀。郡以詩書。寇恂治  
河中而完富。里巷呼爲佛子。吏民號曰神君。撫字  
心勞。催科政拙。飲水居官。攜琴起職。門無私謁。戶  
有新增。民吏截鞭鐙以遮道。兒童騎竹馬以拜迎。  
樹碑頌德。具饌表情。無慚明府之稱。不愧慈君之頌。  
清呼一葉。績表三岑。

武職通用 選士選鋒。練心練膽。堂堂之陣。赳赳之夫。  
八戰八克之英。七縱七擒之彥。蓋世雄標。頗牧矯矯。

萬人著敵。飛羽錚錚。雷霆比怒。草木知名。郤縠之  
將中軍。敦詩說禮。祭遵之號征虜。雅歌投壺。羽扇葛  
巾。名士則武侯尙矣。輕裘緩帶。將軍則叔子何如。息  
馬龍堆之北。洗兵魚海之東。五營星列。七萃雲屯。  
魯視季友爲治亂。禁以子玉爲重輕。風動隼旗。久係  
安危之寄。日臨虎節。實資文武之才。玉燭調元。壁壘  
煥龍蛇之色。金章作牧。條風生虎豹之關。名稱天柱。  
屹然鎖鑰。在中流。權握地維。赫奔金戈。雄半壁。藏甲  
兵於胸中。運經綸於掌上。持金節以宣威。刁嚴斗肅。  
鏤銅標而紀績。帶緩裘輕。文武昭萬邦之憲。勳名播

兩大之間。提衡文武。表裏山河。兩儀間氣。一代偉人。孫吳偉伐。韓范雄才。德武匡時。雄才蓋世。靜如山岳。動若風雷。元戎鎖鑰。社稷金湯。箸籌出自詩書。雅號萬人之敵。折衝優於尊俎。每當八面之鋒。練貔貅而賈勇。驅鯨鱷而潛踪。挽江河以洗甲兵。整乾坤而篆鐘鼎。生應精符之象。斗畔張星。胸包神授之書。橋邊黃石。虎帳風清。四境息烽烟之警。柳營月霽。千屯靜刁斗之聲。鵠印高懸。鈴閣秋聲清廣墅。龍韜遠播。節樓曉日映戎旌。坐長子於師中。有虎豹在山之勢。委將軍以闔外。靖鯨鯢負海之妖。夙仰熊羆。

今看豹變。翹首輪轅。傾心帷幄。捲秋籜以偃旌旗。  
倩夜鴻而傳鈴索。輕裘緩帶。羊叔子之休風。羽扇綸  
巾。諸葛君之雅度。劍履近星躔。聲名垂日月。肅清  
刁斗。靖掃樓槍。削盡萑苻之孽。高銘竹帛之勳。靖  
蜃穴之氛。聿符妙算。勒燕然之石。永誌奇勳。號令迅  
風霆。統六師而專征伐。旌旄輝日月。營八陣以展訐謨。  
奮鷹揚之銳氣。兵雨洗塵。宣豹略之宏謨。陣雲結晦。  
洗甲挽天河。大慰後來之時雨。揚威宣露布。遙聞奏  
凱之鏡歌。海鏢山鐔。鈴閣建太微之座。雲師雨餉。柳  
營護武曲之星。霓旌霜刃。雄飛草木之名。虎帳魚書。

寒破鯨鯢之膽。似太公之秉鉞。擬南仲之出車。家  
傳司馬之書。世擅揚鷹之略。允矣北門鎖鑰。巍然上  
國長城。

○普通恭維

金和玉粹。日朗星高。神襟凝遠。德宇闔深。瑤華粹質。金  
粟前身。素心玉立。華采金章。扶疎玉樹。瑩徹冰壺。星  
海珠源。天山玉燭。器度冲和。猷爲膚敏。周彝商鼎。和璧  
隋珠。鳳穴修儀。龍門峻望。情岳干霄。心波湛月。英標  
拔俗。勝氣凌雲。玉立冰清。風標霞舉。雪月清襟。雲霞逸  
思。間世奇英。匡時良弼。兼金聲價。太璞光華。風規高

潔。宇量閎深。才擅國華。德崇世美。學貫三倉。道彌六合。  
球琳粹品。鼎鼐鴻才。望崇山岳。遇合風雲。明稟物先。  
才由天授。汪度虛涵。穆風聲於智府。清規遠映。皎月色於  
靈臺。空中白鶴。天半紅霞。清標雅操。立獨鶴於人間。遠  
韻遐心。翔孤鴻於天末。英標邁世。如冰壺玉尺之麗。清霄  
碩德超羣。若天球河圖之陳。東序。寒潭秋月。彷彿清標。暖  
谷春暘。庶幾雅度。風華疎朗。霜清月湛之姿。氣格端凝。雪  
皎冰瑩之槩。德比珪璋。品同琬琰。海內斗山。國家柱石。  
朗映冰壺。清標玉樹。河岳鍾靈。扶輿毓秀。日下荀鳴  
鶴。雲間陸士龍。斯文山斗。吾道干城。風標日觀。玉弁瑤

林。秀萃天中。羣空薰北。阡陌聚觀北海。瓣香敬祝南豐。  
啓夕秀於藻林。吐蘅吐蕙。高且評於梓里。式玉式金。鳳  
文龍質。品標瑞世之禎符。熬負鵬搏才擅匡時之偉略。天  
高地厚。尙矢報於放摩。曝獻芹將。聊先明其啣結。

○與答自謙

鹿鹿凡材。魚魚末學。長而無聞。老將安用。脫囊無穎。學  
冶未工。自憐卑枳。仰景高山。智不如葵。識纔辨菽。學  
慚窺豹。技拙雕蟲。質類些窳。幸見容於陶埴。學慚糟粕。徒  
貽笑於斲輪。識拘咫尺。才局方圓。井蛙爲伍。僅知鬻次  
之深。海鳥賦姿。原駭鼓鐘之聽。一壑棲遲。自覺歲華之邁。



五湖飄泊。恆歌行路之難。猥承鞭策之加。莫效馳驅之步。  
見束管窺。職慚蚊負。素餐滋愧。株守貽譏。拙無知方  
之略。陋乏緯世之才。方颺技之易窮。更蚊山之難負。性  
天不慧。材地無奇。人中下品。海內單門。深慚鞅掌。無補  
驅馳。自揣頭顱。不堪指目。屠龍無用。刻鵠不成。樛櫟  
散材。菰蒲冷族。羈孤百拙。零落五窮。伏櫪志在千里。徒  
有苦心。巢林不過一枝。已逾愚分。昔楊子雲被嘲。老不解  
事。而燭之武自謂壯不如人。駿馬雕弓。憶少年而自笑。蹇  
驢破帽。嗟晚節之可哀。學遜前人。空有嗜書之癖。飢來驅  
我。翻爲捉刺之謀。類息影之寒蟬。豈長鳴之伏驥。雖弱

質自同屏柳。而近陽。每切傾葵。自慚鳩拙。時切蟻忱。

○仰懷道念

素雲秋澹。帶雁影以橫空。遠水潮生。託魚書而縱浪。悵御  
李之無因。幸通韓之有路。停雲以思白傅。臨風而懷謝公。  
挾纊知溫。摳衣媿晚。雲天渺渺。悵望何窮。梁月依依。光  
輝可挹。夙瞻鳳彩。忻企龍門。睇明光於碧漢。曷展丹衷。  
借日影於羲嶠。尙期青盼。披袖清風入抱。意往彌勤。舉頭  
明月依人。神交匪遠。柳色燕臺。曾枉高軒之過。梅花驛路。  
久虛隴使之逢。鳳鶩霄漢。懷人方切於江雲。鯉溯清波。投  
貺忽來乎明月。贈我以言。不啻陽春白雪。自君之別。久無

去鴈來魚。猥承遽使之臨。更篤懷人之想。一別十年。雅  
度久疎。高士片函千里。清光忽對故人。書欲通而信阻。夜  
常夢而中迷。春樹暮雲。不盡江東之念。清風朗月。輒興元  
度之思。御李識韓。攀嵇慕齒。忽若披雲。快如覩景。附  
驥尾而彌彰。登龍門而有慶。星離雨散。水遠山長。比三  
秋於一日。擬問別於參商。春樹暮雲。望故交分不見。清風  
朗月。憶好友而難忘。望鯉魚兮頻寄。佇鴻雁以來翔。眼  
中勝侶。足下知音。蘇李相思。謝王贈答。酸蘭情而隕涕。  
搜絮語以清談。眷深情於攬帶。阻良覲於裘裳。心香一  
瓣。手跡千行。琴書千里。雞黍一樽。須收開徑之益。端筮

出門之交。光塵左顧。玉趾親臨。頃奉手書。如親眉宇。

○師友交際

既托蘭金之契。願聞樂石之規。谷鶯初出。恍驚遷木之榮。海燕重來。深認捲簾之意。家家夜月。何如近水之樓。臺物春風。况是故園之桃李。生雖父母。而知者鮑叔。已竊慕於古人。願爲弟子。而出乎韓門。詎敢忘於後日。春風巢燕。既嘗爲大廈之依。曉雨鷄鳴。當不改平生之度。情殷立雪。念切披雲。謬以驚資。獲邀鴻造。材同拳曲。誤就繩斤。穎謝干將。幾同躍冶。戢羽枋榆。仰庇垂雲之翼。分榮桃李。謬邀化雨之滋。檜榆短翮。竊附翼於垂天。踴躍祥金。愧承模

於大冶。如病鶴之獲遇浮邱。豈凡馬而遭逢伯樂。桃李  
忝作霖之化。驪黃辱鑑物之精。幸從游于黠也。恍升闕里  
之堂。得私淑諸人焉。忝廁龍門之坂。青出于藍。方有慚於  
鉛槧。玉攻惟石。敢自比於礪磨。辱在下風。夙叨覆露。渭  
北春樹。江東暮雲。我懷子情。爾神我契。青蒿松倚。異苔  
岑同。君子之交。淡若水。同心之言。臭如蘭。依依杵臼之  
交。落落雲霞之契。詩歌伐木之篇。易誌斷金之語。既班  
荆而道故。亦具黍而同餐。僑札贈紵之歡。管鮑分金之誼。  
望衡宇而褰裳。折梅花而寄驛。高山流水之彈。知音誰  
是。鳳舉鴻軒之概。氣誼相同。隔雲泥而不爽其貞。歷風雨

而不渝其節。

○農工商賈

農界

望杏敦耕。瞻蒲勸穡。耦殊二五。稼望十千。田疇

繡錯。阡陌縱橫。千耦偕出。八家同隣。或耔或耕。是

薰是藜。四體旣勤。千箱獲利。三時不害。九扈斯殊。

靈雨與水泉並。杏花共芻蕘交。舒問高鄉之老

叟。有彭澤之先生。莫憶兔園之冊。長爲鹿囿之民。

天生時而地生財。民方有食。斲爲耜而揉爲耒。人乃敦

耕。樹下來勸農之峻。田間走送饁之人。好樂無荒。

思憂不置。以此日執功之勤。爲來春播穀之計。火

工界 耕水耨。手胼足胝。以忘勞。撥禩茅蒲。望歲逢年。而長世。  
工游於藝。物勒其名。無枉物性。不違天真。藝成  
而下。業在其中。彫玉爍金。斂皮攻木。獨巧共巧之  
紛呈。男工女工之各得。化八材而用飭。以五雉而名  
官。依乎法而從乎繩。智者創而巧者述。命公輸使  
削墨。令離婁以化裁。木牛流馬之新奇。玉楮雲梯之  
智巧。造獲猴於棘刺之端。飛木鳶於層雲之表。局  
改爲司。而提舉重。署隸於監。而裁造精。履絢飛雲。香  
宜四選。熾因丹秫。月候三盈。促豐隆使奮椎。驅飛廉  
使煽熾。躍冶者知爲不祥之金。在鎔者定屬有用之

彙。立陶正以範模。設甄官以董治。金碧鮮研。玉青  
純粹。挫針治縵。鼓箠播精。泝澣統以爲業。織薄曲  
以營生。骨路之補治。故物堂花之巧侔。仙靈。執技  
論力。稽事考成。計年立教。而久暫別。以月爲功。而長  
短分。

商界

財收天下。市趨日中。以收以歛。或與或求。價求  
十倍。貨通五都。多錢善買。深藏若虛。建標陳肆。轉  
物候時。百符一馬。六耦三奇。南陽行商。西州大賈。  
善觀萬貨之情。用深三寶之貯。徵貴徵賤。得所欲。  
陰盡陽盡。協其宜。五而六也。九而十也。乃致天下之



精材。一而二焉。二而四焉。不禁甕中之奮舞。本身資  
以待。乏精心計而居奇。逐什二以爲務。得仟百之厚  
貲。乘堅策肥。稱素封之殷富。履絲曳縞。慰隴斷之心  
思。車算船算之必嚴。官牙私牙之備置。倚頓白圭  
之侶。郭縱烏保之流。端木殖貨。陶朱積居。計然善  
算。樊重起家。呂宏販葱於列肆。石苞沾鐵於通衢。  
計算執籌。比千乘之家無不足。興生舉息。等萬戶之侯  
且有餘。

○羈旅隱逸

客外 茆店雞聲。板橋人迹。芳草天涯。斜陽古驛。黃花

黃葉長亭短亭。心傷去國。目斷迷途。一帆雲伴。千里月隨。重趼不息。傾蓋誰逢。異鄉聞樂。外地見花。艱難險阻。應是備嘗。富貴功名。定知何物。洛陽道中。季子雖歸。而無色。新豐店內。馬周獨酌。而還愁。類飛蓬之無定。歎浮梗之焉如。恨歸夢之非歸。况客中之送客。何年樾館。莎廳。龍頭席共。此去苔痕萍影。馬腹鞭長。

隱居

雲山作主。烟水爲鄰。漱石枕流。馴猿放鶴。三高有士。六逸皆民。邱園道貴。泉石風清。梅市自有仙人。桃源何來俗客。歌四皓之芝曲。揖七賢於竹林。

醉雲溪而落拓。坐石室以優游。甫里嘗思皮陸。輞川最羨裴王。既鑿坏而避聘。亦抱甕而全眞。彭澤歸來。廬山不起。鴻冥何憂乎增繳。豹隱自澤其文章。

○閨秀淑媛

才女。畫傳當代。字學前賢。金相比暎。玉德齊溫。臨池洗石。題葉弄烟。信是掃眉之才。子豈徒刺繡之針神。書答秦嘉。寫花牋而寄恨。機成蘇蕙。托文錦以傳情。隔紗幬而講授。施步障而酬賓。曹昭續史。伏女傳經。翩翩賦茗之才。嫋嫋簪花之格。紅箋一首。相如翻作女流。花蕊百篇。王建居然國色。

賢淑

言容協典。擬譙國之夫人。溫潤爲心。邁常山之公主。

柔謙孝友。出自性成。言德容功。不從人授。

女工

縑園客之絲。巧心神授。弄并州之剪。妙手天成。

勤儉

持身以儉。裳衣鮮曳。綺之華處。已惟勤。早夜奏鳴機

之績。

孝道

紉箴佩帨。曲承堂上之歡。視膳問安。靡間晨昏之奉。

相夫

挽少君之車。倡隨恐後。舉伯鸞之案。莊敬如賓。

教子

丸熊佐讀。晝荻陳書。雖同鄒母。不煩徙宅之勞。未

授鹽池。殊慕封醴之義。

貞節

提攜嫠婦。遂成景桓之貞。鞠育孤孫。殊慰依劉之願。

儀則 賦姿端謹。禮度致美於無愆。秉性幽貞。笑言共飲其  
不苟。

敏慧 耽情經史。雅愛詩章。丹簡綠篇。流覽忘疲。秋菊春  
椒。吟咏不輟。玉臺妝罷。時抽翠羽之毫。金距香銷。常  
拂桃花之紙。

內職 潔蘋繁而襄內職。恪守母儀。操井臼以示辛勤。無慚  
婦道。賢聲達於閭里。芳範式於宗親。

揄揚 登諸國史。遠追鍾郝之賢。載在家乘。近作閨幃之範。  
動容中禮。曹大家之典型。發言有章。王夫人之矩度。

○釋流道侶

釋教

鷲嶺金僊。雪山羅漢。

飛花翔布。照者樹於三千。慈

雨沾濡。漑雲門於五百。

去六欲而得六通。焚五香而

清五濁。散天花而不著。

遊香國而皆馨。鷲嶺頻開

覺路。雞園自續禪燈。

闡真如之密諦。設大會於無遮。

經繙貝葉。座湧蓮花。

寶鐸凌空。法海之金城永峙。

翔雲不耀。珠林之香樹常森。

瞻西土之給園。推南洲

之法象。

精心慧業。實廬壑之遠公。砥柱洪流。比天台

之智者。

青石流輝。慧域耀金銀之樹。白龍建幟。化城

開冷煖之池。

析般若之淵源。顯無生之妙諦。

心印

相符。智珠在握。

握麈談經。時放支公之鶴。登床說謁。

常栽慧遠之蓮。木杯西渡。金鉢東來。寶筏重開。光啓大雲之教。珠林再建。常結甘露之因。

道教

星斗增輝。快覩雲輿之既發。風雷鼓動。遙瞻羽從之

將臨。名山高隱。尋白鹿之真人。神藥躬求。遇蒼牛之

道士。霞都烟闕。月地雲階。帶瓊瑤佩。嗽沆瀣漿。

望瑤樓而非渺。仰金闕而彌高。坐堪辟穀。行亦餐霞。

丹房玉局之奇。紫府清都之妙。十二碧城縹緲。三

千珠闕迢遙。麟脯羊珠。原非凡品。松脂桂實。遺自仙

家。名高青簡。望重丹邱。青牛道士。白石先生。千

年丹篆。一夢黃梁。赤雀傳言於冶師。白魚遺書於釣

叟。安期羨門。皆遊海上。盧敖若士。並舉雲中。黃石  
赤松。木公金母。青虬馭節。萃維嶽以來歸。黃鵠翔軒。  
應列星而誕降。曾翻金母之觴。暫辭天上。久侍玉皇  
之案。偶寓間人。

○器度襟期

懷明月佩連城。白全其美。羞崑崙薄員嶠。莫踰其高。氣超  
往古。智冠當今。學有淵源。倒彭蠡三江之勢。事無盤錯。倚  
豐城雙劍之鋒。青姿秀骨。下獨鶴於雲間。厚德宏才。戴六  
熬于海上。黃鍾大呂之器。鏗然有聲。干將莫邪之風。毫茫  
莫銖。凝風寒露之玉壺。煖日生烟之錦瑟。奪龍頭而賈



餘勇。早空冀北之羣。執牛耳而主齊盟。今見斗南之一。風  
鵬逸致。天驥上材。氣摩霄漢。手摘星辰。厚德鎮浮。弘襟  
擴宇。望高山斗。度擴滄溟。真心介特。元氣渾融。長江  
大河。世莫窺其涯涘。泰山嵩嶽。人共仰其孤高。手掬四溟。  
散作臺端之風雨。氣吞八極。蟠爲胸次之江山。超超似天  
半之霞。矯矯若雲中之鶴。四顧千牛之立解。一鳴萬馬之  
皆暗。金蜂萬仞。名重泰山。玉浪千層。量洪滄海。廉足以  
立世人之懦。靜可以鎮天下之浮。星輝月朗之標。壁立瀾  
迴之氣。蘇子洵爲大器。潞公果屬異人。庭堅獨立離塵。  
王旦凌霄拔壑。仰包容於師德。瞻昂聳於元齡。虞顧爲

南金東箭。機榮則龍躍鳳鳴。嶽峙淵渟如許。邵渾金樸玉似巨源。

○壽誕稱祝

春季 春水漲銀塘。歲源川至。寒山森翠巘。福祉岡如。開獻歲之觴。丹椒映罽。致呼嵩之祝。青柳垂簾。九十日韶光。偏占芳期之盛。三千年桃實。平分仙洞之春。

正月 內三成泰。弘開萬象之春。得一爲元。茂祝千齡之算。觴當薦柏。瑞起懸弧。階下舞斑衣。萬點燈熒玉樹。庭前放梅萼。五辛露浥金莖。栢葉傳觴。翠堪比鬢。桃符懸閣。紅可駐顏。

二月 鳩來羅氏。燕降雕梁。祉與春新。祚隨陽長。仁惟  
山靜。含月令之中和。直乃乾生。奮義圖之大壯。

三月 三飛萸。莢景色雍和。九轉丹砂。韶光明媚。捧河中  
之劍。忻爲添籌。流曲水之觴。聊云稱壽。

夏季 碧筒液進金莖。翠管風調玉樹。蟠桃早熟於朱明。  
萸莢重新於紫極。絳蠟高燒照綺筵。雪藕冰桃涼生  
齒頰。霞觴引滿陳仙部。雲璈羽曲嚮奏絃歌。

四月 篔搖葆尾。疑來鶴駕蓬山。鸚鵡笙喉似奏霓裳月殿。  
歛箕疇之五福。正值清和。受華祝之三多。猶餘淑景。  
五月 值靈萸五葉之辰。門懸桃艾。爲懸弧初度之日。杯泛

菖蒲。

六月 序當季夏。辰屬攬揆。開筵嗣河朔之遊。執簡效華封之祝。蓮露滋芬。來若耶之仙子。桃冰欲濺。現閩苑之瓊枝。

秋季 萬籟發金風。聲奏瑤天笙鶴。一尊開碧月光浮玉罍雲霞。倚玉樹而披清風。敢獻兼葭之露。望金天而思皓月。願斟沆瀣之杯。

七月 綵雲冉冉。歡迎織女之車。青鳥翩翩。遙致瑤池之札。碧棗分謙賓朋。紅蓮共陳肴醴。蚪羹鱗脯。分來洞府之珍。玉液瓊漿。擊出金盤之露。

八月 香飄金粟。輪滿玉蟾。借桂輪以當華祝。朱衣彩映玉堂。奏霓羽以張綺筵。綠蟻光浮珀盞。秋香無隱。長生兆月殿丹花。夜色如仙。彩影舞虹橋黃髮。

九月 蓉流紅豔。菊吐黃姿。花占頤養之徵。月卜久長之兆。佳節適逢初度。東籬滿綻黃金。長生正屆清秋。南極高懸紫曜。

冬季 人歌暖日。詩咏南山。繡染楓林。光分斑彩。聲諧雁陣。歡洽齊筇。寒松之質不凋。冬旭之暉長至。十月 戲綵芳辰。喜值小陽之候。懸弧令旦。適逢建亥之時。節如古栢凌霜。品擬疎梅映雪。

十一月 天保定爾。異雲占太史新書。至日閉關。暄律證長  
生果訣。當添線之良辰。仰懸弧之吉禱。

十二月 陽浮葭管。祛九地之餘陰。春滿瑤臺。應週天之六  
甲。百拜致岡陵之頌。萬年長松柏之春。

雙壽 愛日和風。玄鶴並紫鸞而呈瑞。瀛洲閬苑。木公偕金  
母以延齡。椿榮萱茂。地靈鍾不老之祥。日升月恒。天  
運兆長生之慶。祝椿茂萱榮而備福。培蘭芬桂馥於  
長生。花滿庭闈。籌添海屋。

四旬 百紀初登強仕。三多效祝封人。茲當強仕。是日英  
年。磊落之喬松初茂。堅凝之竹箭方苞。

五旬 光生蓬矢。慶值蓬年。人間樂事方新。天上神仙未  
老。庭森玉樹。舞綵服之翩翩。盤擁金莖。挹絳霄之湛  
湛。

六旬 八千歲春秋。歷算初週甲子。五百年人物。無疆應祝  
南山。歡呼耳順宣尼。共祝耄期衛武。

七旬 七十杖於國。從古稱稀。八千歲爲椿。自今伊始。鉛  
汞交竊。妙契安期之術。形神矍鑠。雄追馬伏之風。

八旬 繁祉駢臻。際申公應聘之日。遐齡永享。值子牙興渭  
之年。挺鳩杖而履烟霞。桃萼容光。交相掩映。投漁竿  
以娛水月。蒲輪物色。不久徵求。

九旬 正伏生授書之歲。符太公佐武之年。頌不騫於維

嶽。快恆茂於如松。火棗金桃雙薦。紫蘭玉桂交香。

男壽通用 三多并祝華封。五禮首稱壽考。催花作果。客

到瑤池。種棗如瓜。筵開閔苑。西池桃熟。東海籌添。

東海棗梨。欣上長生之頌。南山松柏。願賡不老之篇。

看海上之三峯何在。人間已是瀛洲。問山中之四皓奚

來。席上無非仙侶。南飛曲奏。敢云霞折雲璈。北望詞

陳。聊當冰桃雪藕。身依紅樹。未擎曼倩之桃。目望青

雲。希附劉安之鼎。階前寶樹參天。盤裏金桃醉日。

檢寶籙於蓬萊。鶴算初逢七秩。張玳筵於蘭榭。鹿齡共



祝千秋。竹苞松茂。地靈鍾不老之祥。川至日升。天運肇長生之慶。懸弧之誕。方臨益算之祥。未艾。采雲芝而進頌。歌明月以稱觥。長庚却會同庚。花開並蒂。天巧恰符人巧。案舉齊眉。遐齡與商皓齊休。福履偕維英比美。

女壽通用 六葉蓂開。啓璇堂而懸彩幌。千年桃熟。捧金罍而舞斑衣。瓊花並蒂。恍疑姑射神人。婺曜呈祥。羣仰瑤池玉母。寶蛻華簪。共企婺光聯壽域。青瞳白髮。爭傳金母下瑤京。

普通祝語 松身鶴骨。綠鬢朱顏。青城仙客。絳縣名賢。

南極天星。東王仙籍。五老游渚之祥。八公化童之術。  
橫拖綠玉。倒誦黃庭。香山九老之繪。啓期三樂之  
言。雪霜髯鬢。龍馬精神。方瞳玉面之容。濁鏡凍梨  
之色。

○婚姻子嗣

婚娶 歡諧鴛牒。喜中雀屏。光增門祚。慶溢宗祊。重賴  
冰言。輒蒙金諾。好速乃文。定厥祥。良緣實天作之合。  
簫叶鸞聲。碧落會雙仙之侶。卜占鳳兆。赤繩綿百歲  
之緣。此時奠鴈。卜日乘龍。銀燭高燒。月避新粧。應  
怯冷。丹紗好護。風搖雜珮。不知寒。玉樓翡翠。金谷鴛

鴛。珠花並蒂。玉樹交柯。瑟調鴻案。詞譜鳳臺。于  
飛。諧鳳凰之下。維夢協熊羆之占。百年好合。五世其  
昌。春暖菱花之鏡。香濃竹葉之杯。珍珠樹中。文鸞  
對舞。玳瑁梁上。海燕雙棲。迨其吉兮。穀我士女。式相  
好矣。宜爾室家。星燦香奩。已快雀屏聯影。虹流綈屋。  
還期麟趾呈祥。宜室宜家。如兄如弟。溝流紅葉。路  
值藍橋。笑詠何郎之扇。同吹弄玉之簫。喜結絲蘿。  
願同松柏。蓮開並蒂。歡諧池上鴛鴦。縷結同心。彩映  
屏間孔雀。媿姜之雅配斯諧。王謝之世姻不絕。指  
青廬而交拜。託白璧以相要。卜鳳常諧。牽羊成禮。

文就千言。美矣東都才子。粧成七寶。嫣然南國佳人。  
絳蠟映盈堦之月色。紅綃拂滿袖之天香。龍蹕應律。  
祥雲直擁星橋。蟾影浮光。皓月交明花燭。佳節慶黃  
鍾之候。良緣申紅幔之盟。

生子

熊羆叶夢。鸞鷲呈祥。千里神駒。九苞靈鳥。維嶽  
降中。玉燕投懷。符吉夢。厥星飛昴。明珠入掌。動懽情。  
滿室異香濃。闈門暄樂動。珠含合浦。時來照乘。奇珍。  
玉長藍田。世產連城異寶。渥注神駿。毓五彩以成文。  
丹穴奇雛。絢九苞而煥羽。鳳生鸞鷲。桂產靈芝。肇  
荀氏之八龍。翔薛家之三鳳。百年餘慶。咸推世澤之

流長一索乃成。尤喜家珍之兆遠。夢協長庚。生名英  
物。既羨充閭之慶。更符跨竈之名。

生孫 祖孫濟美。堂構貽謀。華紫蓋於瑤林。喜看重秀。鬱

青葱於玉樹。快睹新枝。光前啓後。耀祖榮宗。祥開

麟定。慶衍龍孫。弃葉重光。桂室叶熊羆之夢。孫枝啓

秀。蘭房騰鸞鷲之輝。瓜還絲豸。桐必生孫。覩此龍

孫。無慚燕翼。絲若葛垂。森如玉立。

○喪事慰唁

唁喪父 情深苞栩。痛廢蓼莪。躬膺福祿。遺嘉種於芝蘭。

齒德優隆。播芳馨於桑梓。

暗喪母

素霞流影。騰鶴馭於瑤池。瑩月凝華。滴鮫珠於繡

帳。

情聯苞栩。方深陟蛄之懷。歌廢莪蓼。忽感終天之

戚。

訃聞遐邇。共賡薤露之歌。變奏朝昏。莫慰樹風之

恨。

尉喪內

炊白夢徵。花落桃源春去早。哭囊情切。薤寒蓬島

信來稀。

法星朗耀。象服宜並於山河。寶婺弭光。鸞音

遽歸於瑤島。

兄弟

詩夢何年。隕池塘之芳草。墳聲絕和。落臺榭之荆花。

恫傷雁序。愴感鶴原。形影增痛。人琴慘亡。

喪子

芝在室而遽枯。蘭生庭而早刈。膝下玉摧。掌中珠

碎。豈未達東門之意。胡能蹈西河之悲。

普通言語。朝陽落鳳。大野傷麟。桑戶反真。葛洪如睡。

一朝風燭。萬古埃塵。聽鄰笛兮傷心。過酒壚而思舊。

瓊瑰欲泣。鷓鴣先臨。念東閣而悲吟。望西州而長

慟。寶劍答徐君。生芻來孺子。斗酒隻雞。孟德生平

之語。素車白馬。元伯死後之靈。

○憶別送迎

倏成雨別。關阻風期。蕙心迢遞。蘭思縈回。河梁攜手。千

里雲陰。灞岸回頭。數行柳色。山牽別恨。水帶離聲。芳草

王孫何處。桃花潭水還深。賦別綵花。曾灑文通之筆。寄懷

清酒請銜左相之杯。文旌遙出於燕雲。祖席乍縈於渭雨。  
鳥鳴嚶嚶。驪歌疊疊。河柳低垂。莫挽門舟之繫。江梅未  
發。有懷隴陌之春。孤鴻緲緲。度天外之秋聲。班馬蕭蕭。和  
陽關而疊唱。勞相思於雲樹。不如傾我久藏。唱驪曲於陽  
關。只是勸君更盡。祇候旌旛。敬陳尊俎。敬庀行廚。願遲  
前導。助君別興。縈我離愁。仰冀星言。俯寬霓望。別緒  
徒縈雲樹。感懷莫展涓埃。執鞭有地。負弩無從。一輪明  
月。俄然寒谷暉揚。四乘清風。穆矣幽崖煦燠。知前茅之在  
望。幸福曜以垂臨。企星軺而彌深。雀躍佇霞仗而未遂。亮  
趨。敬速星言之駕。乞頒露示之懽。指雙旌而耀日。濡六



轡以追風。席何暇暖。轅不及攀。

○引薦求援

一洗炎涼之態。大開寒峻之途。賞音囊下。經以韋絃。取瘠  
溝中。披之文繡。旋轉全憑腕玉。潤灑甘霖。吹噓得借口珠。  
融同春雪。雖曲遂生成之心。敢希冀分外之願。久資陶  
鑄。得依數仞門牆。終賜玉成。幸庇萬間夏屋。閔常鱗於溝  
壑。而轉之清波。出頤鑛於塵埃。而納之大冶。度木鄧林。杞  
梓梗楠之並蓄。求馬燕市。驂騮驪駘之兼收。分光東壁。增  
價南金。夫亦憐其短翮。遂爾賜之羽毛。否則豈少婷姿。乃  
併錄夫憔悴。盼睐生色。總皆分壁之光。咳唾成虹。曲賜餘

波之潤。春回寒谷。資吹律於鄒陽。驥負鹽車。幸垂情於伯樂。坡仙之稱叔弼。未忘六一之文。山谷之譽少章。亦以太虛之故。昌黎三書。敢憚煩於浼瀆。山甫一字。願早賜於褒榮。濂溪嘗蒙元獻之知。明允實因韓公以進。和璞固珍。寧無別足之患。隋珠雖美。尙貽按劍之疑。魚尾旣頽。詎敢忘升斗於東海。烏頭可白。偷或憐三匝於南枝。八字回春。一緘照日。經援筆以點睛。當勒銘而刻骨。羽而翼之所。謂如天之福我。顏之厚矣。未知何地以報公。欣依夏屋之萬間。遂拜春風之一紙。綴魚目於夜光。補狐裘於半衲。非有青白眼之過人。安得雌黃口之及己。珠履滿前。已有

先登之客。褐衣入見。許陪後至之賓。廁諸清流。亦既有雀  
鷲之愧。參以前輩。亦難逃虎鼠之嘲。光分斗極。終藉耀於  
蟻封。澤普江河。幸資潤於鮒轍。雖門生而知恩。例欲自同  
於蛇雀。報國士之遇我。誓爲小効乎馬牛。不知下俚之何  
聲。得契陽春之孤唱。致使斗筭之微才。不爲天地之棄物。  
感無地以寄言。德如天而難論。誰爲之地而使然。殆若  
自天而下者。雖爲小善必錄之由。全出大均無垠之造。  
一飯必酌。瓣香敬薦。雨潤枯枝。已廁春前之桃李。霜饒勁  
節。願隨歲後之松篁。既借先容於蟠木。且逢垂顧於蕉桐。  
百里奚之飯牛。本非干援。九方臯之相馬。所貴知心。豐

城之劍。未成雷煥。氣徒冲於斗牛。柯亭之竹。既得蔡邕。聲乃合於律呂。桃李盡在公門。豈終使一株之慘淡。葑菲無遺下體。尚希發寸草之英華。拔淹振滯。擬洪鈞造物之天。舍短取長。爲他日儲材之地。

○遊賞邀約

遊賞通用 心契秋幹。目翫春蕙。上烟中閣。看雪後山。踢莎行草。入竹穿松。范子扁舟。去人何遠。莊生秋水。會意非遙。蘭亭修禊。輞水吟詩。自有勝具勝情。可以獨來獨往。松清耳目。竹碧衣襟。

賞花 亭餘修竹。肩輿雅羨。王猷溪號浣花。枉駕曾勞嚴武。

以客子一枝之託。邀使君半日之歡。春風春日。徘徊繡谷之中。桃葉桃根。憑寄相思之意。

郊遊

郊外桑麻。無殊栗里園中雞犬。不異桃源。黃花萬

畝。儼竺國之鋪金。白藕千池。似崑山之積玉。何必山

陰道上。始歎難爲人懷。無須落雁峯頭。方稱呼通帝座。

賞秋

遲清嘯於南樓。聽歡吹於北里。際茲良夜。願覲丰

標。敬擬浮瓜。謹先剝棗。

登高

江涵秋影。白雁書天。菊放疏籬。黃花匝地。屆授衣

之令序。感落帽之佳辰。臺空戲馬。重吟宣遠之詩。目

送歸鴻。共撫嵇康之操。

觀燈 星橋火樹。正肇青陽。燈影月華。適酣燕樂。敢擬投

轄之歡。暫假金吾之禁。藉水夕之清輝。傾故人之積  
愫。借街頭歌管以侑觴。藉天上輝光而散步。火樹

遙連鶴蓋。銀花遠迓星軺。

龍舟 簫鼓中流。蜿蜒翔龍之舫。旌旂水滸。飄搖飛虎之旗。  
消介蒲醑。仰遲瓢飲。

邀約通用 夾道梅風。翠引馬前之蓋。半天蕉雨。香隨花外  
之車。碧雲數片。供詩清磬一聲。送酒。洗盞呼疊。既  
遣青州之從事。炊金饌玉。毋作烏有之先生。覩光霽  
之雅範。風月當筵。聆咳唾之芳音。球璣滿座。迂陋寡

聞難佐清談之壘。小子可造。幾陪良友之觴。芹曝鑒野人之修。珠玉霏高賢之屑。恭陳綠蟻之芳樽。藉聽文龍之雄辯。非藉樽罍之敬。曷申芹曝之私。

辭卻 實杯罍之不勝。况簿書之彌積。敢預西園會裏。還

虛北海樽中。仰冀襟涵俯垂鑒有。

○饋遺往來

情爲恩使。命緣義輕。殷懃作謝。歡喜拜嘉。獻編贈紵之歡。適館授餐之誼。錫百朋於君子。感一飯於王孫。積愆多年。莫效涓埃之報。馳函千里。聊申啣結之衷。具蟻恫之贖儀。敬遶馬走。垂鴻儀之電照。仰冀淵涵。謹束芟芟。用陳

縷縷。附侑芹私。敢謂澗溪之可薦。馳申台座。尙期爐冶以同融。寸衷未慰。一札聊當。陳瑣瑣之菲儀。布依依之芹悃。託械素以將忱。情浮野藿。望雲霄而稽首。敬貢溪毛。久懸獻曝之忱。莫罄舒葵之願。咫尺雲山。未遂摠趨之願。幾微束帛。聊申問候之私。常馳神嚮之私。薄展心傾之敬。敢將芹曝之私。冀荷葑菲之采。松猶摩頂。藿固傾心。仰希葑采。俯鑒葵傾。謹奏尺書。聊申寸臆。慙與佩俱。報知施重。邠雲遠賁。華幣兼頒。落月而照屋梁。開函慰甚。投桃而贈芍藥。矢報赧然。賜出於尊。謹受餐而返璧。寵逾其分。徒鏤版以貞珉。腆錫遙頒。寵溢百朋之贈。瑤械下逮。



光分十札之榮。敢因遽使。代布謝言。先施忽賁。獎借逾涯。遙煩遽使。頒藏山隱海之珍。敬倩穎侯。展春樹暮雲之想。辱蒙珍貺。敢冒昧以璧歸。附致芹棕。實有慚於瓊報。開函而賸有餘香。飲德而誼逾常格。儀型在望。恍驚華袞之加。鼎貺先施。莫效瓊瑤之報。效秋蛩而鳴謝。借冰鯉以抒忱。方疎節之是慙。乃先施之忽枉。辱此駢蕃之貺。溢乎理數之常。感汪惠之靡涯。愧涓埃之莫報。

○讌會請謝

請宴通用。掃花以待。倒屣而迎。每相思而命駕。喜空谷之足音。乘舟而訪安道。載酒而從子雲。陳遵則車

轄常投。謝混則衣裳忽改。青芻白飯之供。倒篋傾筐之雅。祇抒投縞之誠。仰慰執鞭之願。開北海之樽。遲東山之屐。良辰穆卜。陋學初陳。倘賁龍光。曷禁燕喜。分忝維桑。願邀驩於長者。情深看竹。知不減於古人。願偕剡溪訪戴之遊。用追河朔逢袁之飲。日春深樹黃麗。巧弄鸕簧之奏。曲堤朱草。爛翻錦繡之裊。蓮漏緩清宵。坐聽四筵霏屑。花谿驚小隊。座期三日留香。日夏花輒日影。肯移於雲壑之陰。耦盃冰鮮。敢擬以蓬池之宴。日秋乘薦爽之金飈。披襟雅會。挹流膏之玉露。對景清譚。日冬葭管已飛。灰喜復陽和於林谷。嶺梅驚綻雪。堪

尋春色於隴頭。傾蓋交歡。三月鶯花對酒。盡簪共論。  
五更風雨催詩。倒屣以迎仲宣。媿乏中郎之雅望。下  
榻而延徐子。願追孟舉之高風。秀色映冰壺。縹緲蓬  
萊風月。高談霏玉屑。依稀閔苑神仙。聊將桂液。洽此  
蘭心。

謝宴通用 樽對梅花。十日平原豪舉。爐圍茶果。五雲深處  
仙家。寒分金掌以生輝。暮飲酩酊而動色。既先折  
簡。敢後封函。絃管度青樽。夜夜人如北海。簾櫳搖碧  
榻。朝朝客似南州。門外摠衣。階前拜手。四壁圖書  
生冷豔。驚看座上雲霞。一庭杯酒送寒暄。快覩盤中烟

火。流連卜夜。飛觴傾琥珀之光。坐及巖更。撤燭擬金蓮之寵。授簡情殷。難賦梁園之客。飛觴誼重。願題楚國之風。擬趨府而展謝忱。恐煩座客。姑叩門而通啓狀。幸恕醉人。龍門屢宴。每邀投轄之情。鼠飲何勝。遂致接羅之倒。殺來人不識。從今見海錯山珍。坐處眼頻睜。何幸覲龍駒棣萼。忘分勸酬。開懷談笑。飲醴知醇。操觚鳴謝。

○篇終結撰

惟祈珍玉。慰此斷金。別如秋意。緒冀春融。有懷抃舞。曷勝編摩。俯賜鑒原。益深佩結。臨風徙倚。向日呻吟。雀

躍不勝。魚函莫罄。仰冀淵涵。俯垂霽照。敬泐寸丹。遙宣  
尺素。統惟丙照。曷已寅瞻。仰瀆風規。俯祈電照。拜手  
回皇。臨函悚慄。敬擬申忱。專求寅誨。謹因青鳥。虔附赤  
麟。寫結有期。銘心何盡。依嚮方深。戀瞻靡竟。感誼何  
如深厚。揣分不啻主臣。伏願溟渤俯涵。庶俾涓埃得達。  
敬抒悃於墨卿。仰通誠於籤室。



# 尺牘典故韻註

上 一東 風空籠

清風

杜詩清風來故人

兩袖清風

言手中空乏也

薰風

舜南風歌南風之薰今可以解吾民之愠

霽月光

風

稱人氣度之清超也○黃庭堅曰周茂叔人品甚高胸懷洒落如光風霽月

太空

天也關尹子一運之象周乎太空

樊籠

也○北史楊休之不樂煩職典選既久謂人曰此官清華但煩劇妨我賞適真是樊籠

一一冬 逢 髮 縫 從 容 觸 龍

萍水相逢

邂逅相遇曰萍水相逢○按萍浮生水上隨風漂流故稱

尸饗

詩有母之尸饗

彌縫

文選加緒含容翼可彌縫

騶從

騶馬也騶從謂隨從之馬也○古詩我行莫笑無騶從

先容

求人薦引曰幸為先容○薛文非左右為之先容史記蠅木根抵輪困障

奇而為萬乘器者以左右為之先容也

龍鍾

老狀○劇談錄裴度微時乘驢出有二老人語曰蔡州之事須待此人為將既歸僕述其事度曰見

我龍鍾相戲耳

登龍見後漢李膺事

元龍漢時人即陳登也許汜嘗與劉玄德共論人物汜曰元龍湖海之士豪氣未除

劉問故汜曰昔遇下邳見元龍無主客禮自上大牀臥使客臥下牀

### 三江

西江

莊周貸粟於監河侯侯曰我將得邑金將貸之三百金可乎莊周忿然曰我昨見車轍中有鮒魚云我東海之波臣也君豈有升斗之水以活

我周謂之曰諾我自激西江之水而迎子可乎鮒魚曰君言此不如早索我於枯魚之肆

### 四支

離儀枝眉思  
比枝隨斯履  
疵維提  
欺彝窺

支離

不和合也○支離爲簡易見子書又閻儀禮內言不出於閻闔門概也莊子云朱仲漫學屠龍于支離益

法棲枝

如鳥棲於樹枝也○古詩上林多少樹不借一枝棲  
燃眉註詳入聲  
芝眉同芝字見上聲七

五刪韻

葭思全葭潮見去聲七遇韻  
毛疵小過必察謂之吹毛求疵見韓非子大體又漢書景十三王傳  
解維即開船也

字韻



○甘寧常以繪錦維舟去或割棄  
○詩小雅汎汎揚舟緜維維之  
朱提提音時○朱提縣含飴後漢書馬太

含飴虎皮席也○帶橫渠坐玉樹蘭枝謂子弟之佳者○謝元傳元

弄孫鼻比說周易從者其衆唱隨少穎悟爲叔父安所器重安

問諸子姪曰子弟亦何預人事而正欲使其  
佳元答曰譬芝蘭玉樹欲使其生於庭階耳  
唱隨千字文夫螽斯螽斯蝗屬

九子喻子孫之倒屣王粲傳蔡邕聞王門楣猶門第也○東坡白花鳥笑

蕃衍也見詩經榮在門倒屣迎之帝廟詩皎皎在門楣  
欺言被花鳥笑人欺人徒負美景周鼎商彝註詳上聲二管窺史記少見

五微 歸 稀

于歸女嫁曰于歸○詩古稀杜詩人生七

六魚 閏 書 珠 車 魚 鮓 茹 如 渠 据 噓 虛

倚閭

王孫賈母謂子曰汝朝出而晚來則吾倚門而望汝暮出而不還則吾倚閭而望

尺書

漢書韓信傳廣武君曰奉咫尺之書以使燕

羽書

漢帝書高記註檄者以木簡爲書長尺二寸用徵召也有急事則加以鳥羽插之名曰羽書

魚書

古詩呼童烹鯉魚中有尺素書

鱗疎

言信札稀少也

下車

初到任也詳李白上韓荊州書

駕鹽車

戰國策騶服鹽車而上太行遭伯樂俯而噴仰

而長鳴知伯樂知已也

涸轍鮒魚

註詳上平三江韻

河魚

腹疾也見左傳

臯魚

韓詩外傳孔子聞臯魚哭甚悲問其

故曰樹欲靜而風不寧子欲養而親不待

齟齬彼此不合也見揚雄太元經

海茹

黃憲字叔度器量汪洋如千頃之波以涵容之也

九如

如月之恆如日之升云云見詩小雅

焚如

燒也周易離卦

石渠

漢藏書之所曰石渠閣

拮据

艱難勞苦之意詩子

拮据

吹噓類書鄭泰曰孔公緒清談噓枯吹生

子虛

言空無所有也○漢書司馬相如客游梁與諸侯士大夫游著有子虛賦

七虞

雛鳥

榆朱

哺雛

哺鳥銜食哺養其子也雛小鳥也

屋烏

劉向說苑愛屋及烏况其人乎謂因此惜彼也

桑榆

歲月無多也淮南子曰西垂

景在樹端陶朱范蠡字少伯自號陶朱公治產積財至巨萬故言富者皆稱陶朱公

### 八齊

臍圭 雞棲泥蹄黎

噬臍

左傳三甥謂鄢侯曰後君噬臍

刀圭

量藥器也

醯雞

莊子孔子曰丘之於道也其猶醯雞歟注醯雞酒上蠅蟻

鷓棲

莊子鷓棲巢於深林所棲不過一枝

雲泥

相隔也○白香山詩今日長安道對面隔雲泥

雪泥

東坡詩人生到處知何似應似飛鴻踏雪泥

上偶然留爪印鴻飛那復計東西

霜蹄

馬也杜甫詩歸馬散霜蹄

昌黎

地名韓愈本鄉

### 十灰

灰 猜臺

槁木死灰

謂絕無情慾也見莊子齊物論

鷓俱無猜

不相猜疑也見左傳

避債無臺

言無法以避債也○

帝王世紀周報王築臺以避債

### 十一真

民薪人賓春陳慶

四民

士農工商

勞薪

謂柴薪之勞如車脚船木以常用之木為薪即勞薪也見晉書荀勗傳齊

秋水伊人

詩秦風注言秋水方

盛之時所謂伊人乃在水之一方求之而不可得也

替人

唐杜審言曰吾在久壓公等今且死無悔特恨少替人耳

西賓

禮記古時師傳也

坐席以西方為上賓在西言其尊也

莫春

即暮春

雷陳

雷義陳重稱為至交時人為之語曰膠漆自謂

堅不如雷與陳抗塵

俗狀言犯行路之塵也

餽塵

范丹為菜蕪令有時絕糧民歌曰餽中生塵范史雲釜中生魚范菜

蕪按餽炊器也

十二文

雲 夢 屏

停雲

陶集停雲思親友也詩曰萋萋停雲

機雲

陸機陸雲兄弟二人皆有才藻

望雲

唐狄仁傑望雲思親

春樹暮雲

杜甫憶李白詩渭北春天樹江東日暮雲

夢雨離雲

李商隱詩一春夢雨常飄瓦○又嵩雲秦樹久離居

唐書韋陟傳書以五色成為書記使妾主之自署名所書陟字若五色雲時人慕之號五雲體

絲棼

亂也左傳猶治絲而棼之也

十三元 門 關 言 萱 暄 猿 原

倚門

註詳上平六魚韻

寒門

古史門第寒微

司關

管門者見儀禮

蜚言

猶浮言也無根之語蜚與飛通

椿萱

莊子

大椿以八千歲為春八千歲為秋又詩焉得薤草言樹之背萱與讓同讓忘憂草也稱父曰椿取壽長之義稱母曰萱取忘憂之義共話也寒冷也暄暖也申鑑寒暄心猿心猿意馬言其心虛盈消息必得其中所以養體也心猿意之奔馳無定也九原禮檀弓趙文子與叔譽觀乎九原

十四寒 冠 盤 寒 端 丸 餐 蘭 鼻 安

弱冠

男子二十曰弱冠

辛盤

立春日作五辛盤即年盤也○庾肩吾除夕詩歲序已云殫春心不自安聯開柏葉酒試奠正辛盤

祁

寒

祁大也見尚書履端

正月朔旦為履端節見左傳

熊丸

柳公權妻韓氏柳仲郾母以熊胆和丸使子弟食之永夜勤學

素餐

無功食祿也

金蘭

易繫辭上二人同心其利與曼斷金同心之言其臭如蘭

鼻

與曼萬同

長安

在陝西省

十五刪 閒 閑 艱 顏 山

彈指間

言不多時也取指下彈意

賦閑

即空間無事也閑當作閒○晉潘岳有閒居賦

內艱

丁母憂也

芝顏

唐書

秀字紫芝退隱山中以琴書自娛房瑄見而嘆曰見紫芝眉宇令人名利之心都盡言其氣宇瀟灑也

斗山

唐書韓愈道高望重者仰之如泰山

北斗頌人名望之重也

眉山

地名三秦所自出

蔣山

即江甯紫金山一名蔣山晉蔣子文逐寇盡節于此

泰山

稱妻父曰泰山

下 一先

川

年肩

旋

旋

然淵

淵

棉

髻年

禮八十九

仔肩

擔負之意詩周頌佛時仔肩

郇筵

郇廚之筵也郇公章陟家治饌精美時人號爲郇公廚

假

旋

即告假而歸也

錦旋

賀人榮歸曰錦旋梁書劉之遴傳之遴出爲南郡太守高祖謂曰卿母年德並高故令卿衣錦還鄉畫榮養之理

莛

莛

易賁卦賁於邱園東帛莛莛

頽然

衰貌歐陽脩醉翁亭記頽然其中者太守醉也

泣然

流涕貌世說新語桓公北征見前時種柳

皆已十圍攀枝執條泣然流淚

霍然

病愈也七發忽然汗出霍然病已注溼汗貌霍疾貌

天淵

天上淵下謂事之相懸也詩云鳶飛戾天魚躍

於力棉棉當作綿謂力軟如綿樊川唐書藝文志杜牧樊川集二十卷宋本詩南國佳人王幼玉中朝才子杜樊川青氈王獻

之夜臥有偷兒入室盜物獻之徐曰青氈吾家舊物可特置之蟬聯聯接之意齊書君人之亮蟬聯日月朱子詩嘉賓頗蟬聯按秋蟬在樹性喜聯

接而鳴故如椽晉王珣傳珣嘗夢人以大筆如椽與之既覺曰此當有大手筆事揆天庾肩吾詩陳王才揆天崔日知詩詞高直

天牛眠葬地也詳晉書陶侃事畸人十篇秦西瑪寶利西秦所著大旨論淡泊持躬行德俟命謹言苦志泛愛杜私念死期以

防檢思主審而恆求明齋素之異緣言善惡之有報其文詞簡而要約而該

一二蕭 髻 搖 宵 飄 喬

垂髻垂髻者頭角垂髮髻童年之通號扶搖扶搖風也莊子鸚鳥水擊三千里搏扶搖而上者九萬里昕宵日夜蓬

飄杜詩飄飄客子蓬喻人無定所也萍梗又飄言又至別處也洪喬晉殷洪喬選豫章貴游多憑寄書至石頭城投書於江曰

沉者白沉浮者自浮殷洪喬不驚喬詩鳥鳴嚶嚶出自幽谷遷於喬木註鳥前驚也

三肴 庖 交

代庖

代人作事曰代庖

神交

阮籍嵇康初不相識稱爲神交

黃芳桂馥之交

即八九月之間也

四豪 曹 毫 勞 袍

烏曹

桀臣名造賭具

錐刀

左傳昭六年錐刀之末將盡爭之註錐刀末喻小利

拈毫

即執筆欲書也

伯勞

鳥名即缺也善鳴日夜無間故云

薪勞

即辛勞也列子秦穆公謂伯樂曰子姓有可使求馬者乎伯樂曰臣有所與其擔糶薪菜者有九方臯註

擔糶負索也

同袍

己所共事謂之同袍詩秦風豈曰無衣與子同袍

五歌 羅 河 莪 佗

張羅

別處吹噓移借也史記翟公爲廷尉賓客盈門及廢門外可設雀羅張羅本此

西河

地名子夏所居子夏在此哭子喪明見禮記檀弓

菁莪

詩菁菁者莪按此詩有作人之意

華佗

漢時人精於方藥



六麻 家花迎

克家

易子

栽花

陸游詩小紅初試手栽花○釋迦佛有六姓四曰晉潘岳為河陽令滿縣栽花釋迦詳涅槃經

七陽

方湯荒

唐璋

黃堂

望長

商陽

囊羊

行

孔方

錢也魯褒錢神論錢之為體有乾坤之象內則其方外則其圓為世神寶親愛之如兄字曰孔方又稱孔方兄

金湯

漢書劇通傳邊城之

地必將嬰城固守皆為金城湯池不可攻也

包荒

二包荒註包含荒穢

青黃

青錢黃金俗又以六月間秧稻未穫之

時曰青黃不接

琴堂

宓子賤治單父身不下堂鳴琴而治

無望

亦有無怨之意古

鞭長

左傳雖鞭之長不及馬腹

猶言無能為力也

吉羊

羊借作祥

鴈行

禮記兄之齒鴈行

駒光

前漢魏豹傳人生一世間如白駒過隙注白駒日影也言光陰

之速無異駒馳也

夜光

璧玉名李斯逐諫客論則是夜光之璧珠亦有夜光之稱○俗云夜明珠

石火

電光

倏忽消滅之意人生

世上寄此身於石火電光之中

頽唐

隕墊貌見洞簫賦

圭璋

詩如圭如璋令聞令望

文郎

郎君同言郎君更郎君同言郎君更郎君同言郎君更



交通遍門徒來學不遠萬里贈獻者積粟  
盈倉或云買遠非力耕世所謂舌耕也  
落成

創造已畢  
落成  
淡成  
禮君子之  
連城  
蘭相如傳趙得楚和氏璧秦昭王遺趙王書願以十五城請易璧○史記趙惠王得楚和

氏璧價  
重連城  
石頭城  
在金陵卽般  
行旌  
詩子子  
流行  
元僧欣笑隱詩百丈巖頭掛草鞋流行坎止任安排

買舟成行  
起程之意言行之已成  
也註詳下平十一尤韻

九青  
停  
星

居停  
東翁也見宋  
史丁謂傳  
晨星  
落落如晨  
星言稀也

十蒸  
燈

傳燈  
釋典釋迦以燈喻法謂能破暗也六  
祖相傳法故云傳燈今有傳燈錄

十一尤  
尤樓  
頭繆舟  
歐邱鳩

石尤逆風也容齋隨筆石尤風 青樓妓室也蠅頭凡經營做小生意人謂之

虛名蠅頭又宋武帝丁督撫歌買舟秦觀會蓬萊閣詩便欲買舟鼓舟鼓蕩也動

表若使爲西屬大將必當韓歐韓韓愈歐歐陽曹邱曹邱生欲爲季布游揚

鼓舟前往殺敵爲士卒先韓歐韓韓愈歐歐陽曹邱曹邱生欲爲季布游揚

十一侵 琴 砧 林

人琴王獻之卒兄徽之取獻之琴彈之久牙琴鍾子期死伯牙不復藁砧

砧與藁同古藁詩砧今何在山上復有山丈竹林晉書嵇康阮籍阮咸山濤

號竹林七賢咸爲籍之兄子時

十三覃 南 譚 涵 曇

稱小阮按稱叔姪爲竹林本此

東南

喻賓主也見滕王閣序

周南

詩首篇名周南王之基行于南方也

摩譚

同摩教見去聲十九效韻

海涵

黃憲字叔度量汪洋如千頃之波以涵容之也

瞿翼

佛號又佛姓詳涅槃經

十四鹽

帘 簾

青帘

酒家望子也鄭谷詩青帘賣酒家

典籤

掌書記者南史高帝武帝爲諸王置典籤帥一方之事

上聲

一 腫

種 憑

邁種

老也書旱陶邁種德

愆憑

謂以言詞鼓舞之也

三講

項

說項

唐楊炯詩平生不解藏人善到處逢人說項斯寓吹噓之意

四紙

里 梓 水 李 爾 子 止 指 趾 齒

旋里

旋歸也里鄉里也旋里歸家鄉也

桑里

梓里

故里

桑梓

稱父母之邦曰桑梓詩維桑與梓

橋梓

喻父子商子曰南山有喬木高而仰梓木卑而俯橋者父道梓者子道也

薪水

即辛俸之意陶潛遺一奴給其子書曰今遺此力助汝薪

水之勞此亦人菽水

檀弓啜菽飲水盡其歡恐之謂孝

帶水

南史隋文帝曰我為百姓父母豈可恨一帶水而不拯之乎唐

彥謙詩不因衣帶水誰覺路迢迢

紫水

洞冥記東方朔至紫泥海有紫水污衣

交投魚水

蜀志先主曰孤之有孔明猶魚之有

水也○交投謂彼此相交投機如魚之得水而活也

金水

晉書紀瞻傳金水之明內鑿火日之光外輝

投桃報李

見詩經投我以

桃報之桃李

唐狄仁傑薦賢為國或謂之曰桃李盡屬公門劉禹錫放榜詩一日聲名徧天下滿城桃李屬春官按桃李喻人才也

叢

爾小貌見左傳

外子

即丈夫也

半子

即女婿見唐書回紇傳

管城子

筆號韓文毛穎傳毛穎中山人秦王

封管城號管城子

猶子

禮喪服兄弟之子猶子也

坎止

元僧欣賞隱詩百丈巖頭一掛草鞋流行坎止任安排省一

食指

言少一食口也按食指見左傳

麒趾

麟毛蟲之長趾足也麟足不履生草生蟲喻子孫之仁厚也見詩經

唇齒

言相依也左傳

啓亡啓齒與開口同見舊唐切齒仇深曰切齒史記樊於期曰齒寒啓齒書長孫無忌傳此臣之日夜切齒腐心也

五尾 韋非

一葦詩一葦杭之芹菲菲薄也送禮曰獻芹呂氏春秋野人有美芹願獻之至尊

七簋土雨數午組盧字

故土家鄉也方回詩舊雨舊友也杜少陵云臥病長安旅次多雨尋常車馬之客舊雨來新雨不來不敷猶不足也

亭午日中也梁元帝墓要日在午曰亭午解組致仕也全唐詩話解組榮辭可期入道呼盧擲骰也六點爲盧芝字

唐元德秀字紫芝退隱山中以琴書自娛房瑄見而嘆曰見紫芝眉宇令人名利之心多盡葭苧自謙劣戚曰忝在葭苧之末漢書景十三王傳

今羣臣非有葭苧之戚老杜卽杜甫有詩云囊空恐羞澀留得一錢看鬢縷煩細也擢髮難數言多如毛髮不可算

也資斧易旅卦喪其資斧鵠無飲羽南史蔡道恭傳恭用四石鳥漆大弓射所中皆洞甲飲羽一發成貫兩人敵人望弓而靡

八齋 洗 遞 禮

囊空如洗

言囊中無錢如洗淨者然宋祁詩誰憐季子貧囊空竟如洗

迢遞

遠也杜甫詩迢遞三巴路

讀禮

居喪之謂

見禮記

十賄 綵 壇 采

舞綵

老萊子衣綵衣戲舞以娛其親表其孝也

爽壇

猶言高爽也左襄三十六年景公欲更晏子之宅請更諸爽壇者

丰采

風采

同趙壹傳體貌魁梧美須豪骨名勳京師士大夫想望其丰采

芝采

同芝顏註詳上平十五別韻

十三阮 蹇

偃蹇

偃伏也蹇行不前也艱窘之意

十四旱 坦 館



東垣

垣也晉書王羲之坦腹東床

捐館

謂死曰捐館蘇秦傳今奉陽君捐館舍

十五潛眼

具眼

謂有識力也宋史謝深甫調崑山丞爲浙漕考官一時士望皆在選中司業鄭伯熊曰文士世所不乏求具眼如深甫者實鮮白眼

眼青

青眯同俱註離去聲十一隊韻

十六銑 棧膜

戀棧

司馬懿曰鷲馬戀棧豆

不膜

猶言不厚也左傳不膜敵賦

十七篠 小趙紹

宵小

宵者夜也小者小人也謂夜間行竊之小人也

歸趙

歸還之意蘭相如完璧歸趙

箕紹

謂克繼祖業也禮良弓之子必學爲

必學爲裘

十八巧 鮑爪

管鮑

註詳入聲一屋韻

雪泥鴻爪

註詳上平四支韻

十九皓

造道

再造

感救死之恩曰再造

祖道

饑行也昔黃帝子崇祖好遠遊死爲行神遠行者祭崇祖因饗飲以饑行也

二十芻

桑我

頤朶

易頤卦觀我朶頤養也

故我

謂昔時之我並未別有佳遇也莊子田子方雖忘乎故吾

二十一馬

馬假

塞翁失馬

淮南子塞上叟馬無故亡人皆弔翁曰此何遽不爲福乎後其馬果引駿馬歸

盲人瞎馬

古詩盲人騎瞎馬夜

半臨深池言趨險也

意馬

註詳上平十三元韻

班馬

卽班固與司馬遷也二人皆有文名

告假

借事寬役曰告假後漢書榮宏傳

二十二養 掌

鞅掌

詩或王事鞅掌註  
煩勞失容之狀也

二十三梗 冷 餅 耿

齒冷

樂豫謂徐孝嗣曰人笑稽  
公至今齒冷稽公稽淵也

畫餅

古語畫餅充  
飢何能得飽

湯餅

生兒三朝會  
曰湯餅會

耿

耿耿

憂愁貌詩  
耿耿不寐

二十四迴 鼎 頂

一言九鼎

毛遂一言重於九  
鼎謂言之有力也

商彝周鼎

說文鼎三足兩耳和五味之寶  
器也周鼎者成周之鼎也又彝

宗廟常器也商彝者商朝  
之彝也皆器之貴重也

捐頂

捐棄也頂首也  
言棄其首也

二十五有 守 手 有 口 負 首 白 肘

株守

言守拙無能也韓子宋人有畊者田中有株樹兔走觸樹折頸而死因釋耕守株冀復得兔爲國人所笑

赤手

猶言空手也蘇軾詩當年

老使君赤袖手

納手袖中無所爲也

回春妙手

言醫理精妙能起死回生也

子虛烏有

子虛言烏有也

子虛賦烏有

餬口

左傳鄭莊公曰寡人有弟不

逋負

逋債也負欠也左傳楚平王施舍寬民注施恩

惠舍

易飲酒濡首

矯首即仰首也見

井臼

內則妾妻主井臼中饋之事

掣肘人

牽制曰掣肘見孔子家語

二十六寢 錦

栽花栽錦

元稹杏園詩何事栽花誤世人栽錦言栽之花燦爛可觀如所栽之錦也

二十八儉 苒

荏苒

猶展轉也晉書李鴻傳時移節邁荏苒三年○按荏苒草名易謝者也

二十九 賺 範

渠範

渠與矩同魏曹植學官  
頌行爲時矩言爲世範  
閫範 閫儀同見上  
平四支韻

去聲

一送

貢

王貢

漢書王吉與禹貢爲友世稱王陽  
在位貢禹彈冠言其取舍同也

一宋

頌 誦

二絳

絳

額頌

以手加額而祝頌也  
雜誦 雜與絡通言誦之不已也

設絳

漢馬融設絳帳前列生徒

四寘

履 記地  
儀 次事  
字 筒侍  
器 醉肆  
鼗 術 刺

倒履

王粲有聲造謁蔡邕  
倒履以迎通四支韻

珠記

即記念之意唐開元時張說爲相人餽之  
以記事珠紺色有光偶有遺忘一覽此珠

便即赤地猶空地也腹笥後漢書邊韶字孝先以文學名嘗臥弟子私嘲之曰邊孝先腹便便五經笥但欲眠上侍侍

母買醉李白結客少年場行託交從劇孟買醉入新豐枯魚肆註詳上平投刺具名帖之謂古無紙刺姓名於竹木

之上以謁見人故曰投刺主中饋內則娶妻主井臼中饋之事櫛比鱗次言多不更事更經歷更移多事也

不更不經也○晉書苻堅盡國內侵謝安遣兄子靈寶及桓伊等禦之桓冲歎曰謝安有廟堂之量今乃遣諸不經事少年衆又寡弱天下事可知矣

山字即出主器易主器者莫若長子彫敝不正字也陶朱之術范蠡自號陶朱公善於治生三致千金

五味 謂貴

無謂無所稱說也漢書高帝紀詔曰或人君上所尊禮久立吏前曾不爲決甚無謂也○莊子今我則已有謂矣而未知吾所謂不果有謂乎其果

無謂紙貴左思作三都賦賦成人競傳寫洛陽爲之紙貴

六御 覲 踞 絮 署 數 助

輕觀

猶輕視也

箕踞

戰國策某自知事不就倚柱而笑箕踞以罵○按箕踞言兩足直伸而坐如箕也

雲絮

蠓蝓蠅記野外多亂

山書常出自

部署安置之意史記部署已定

耳順之數

六十也○論語六十而耳順

毛詩之數

卽三

百也詩三百篇乃毛

內助

妻爲夫之內助○魏志郭后傳天下不惟外輔亦有內助○宋史孟后傳宣仁太后謂帝曰得賢內

助非細事也

### 七遇

呼素 賻 溯 樹 露 暮 路 布

庚癸之呼

乞人之糧曰呼庚癸見左傳襄公十三年

魚素

俱信札之謂古詩客從遠方來遺我雙鯉魚呼魚烹

鯉魚中有尺素書

賻音附以財助喪也見禮記

葭溯

詩國風兼葭蒼蒼又溯洄從之

暮雲春樹

註詳上平韻十二文韻

露詩淇淇

榆暮詰見上平七虞韻

陌路

陌上之路也稱不相識者爲陌路人

釵荆裙布

鮑宣妻桓氏裝送甚

盛悉去服飾更著短布裳椎髻按下文之闌於外者曰裙釵首上飾也言以荆作釵以布爲裙所以示儉樸也

八霽 第袂 蹠 構 儻 桂 霽

闔第

猶闔宅也

分袂

唐蕭鳳出使至玉門關弟蕭鸞頻勸酒曰醉中分袂不須悲

霜蹠

駿馬蹠蹠當從蹠不從蹠蹠蹠也

構

棺木

伉儷

婚姻曰伉儷伉儷也儷耦也言是相敵之匹耦見左傳成公十一年昭公三年

蘭桂

喻子孫如蘭如桂芬馥可嘉也

光

霽註上平一東韻

九泰 狼

狼狽

狼前足短狼後足短必相倚而行言不得自隨也李密陳情表臣之進退實爲狼狽

十一隊 隊 闌 載 代 睞 岱

百喙

喙猶口也

闌闌

市井之門也見隋書天文志

捆載

國語捆載而歸捆束也言束財帛而歸也

瓜代

左傳及瓜而代

言更代也

青睞

阮籍能爲青白眼見禮法之士以白眼待之稽康挾琴齋酒而至乃見青眼

秦岱

泰山也天下至高之山莫如秦岱見名山



記

十二震

輒 晉

發輒

輒止輪木也去木輪動而車行故凡事始起曰發輒為衍傳發輒新豐兮裴回鎬京

秦晉

晉國秦國世聯婚姻故婚姻有秦晉之號見左

傳

十四願

萬飯

腰纏十萬

言身帶多金也○李白詩腰纏十萬貫騎鶴上揚州

噴飯

因笑噴飯○東坡遺文與可竹詩與可大笑噴飯滿案

十五翰

炭 漢 翰

冰炭

水火兩物至不相容言情之不合也韓非子冰炭不同器而久楚辭冰炭不可以相並兮

河漢

迂闊之意莊子吾聞言於接輿大而無當

往而不返吾驚怖其言猶河漢而無極也

華翰

雲翰

瑤翰

來翰

手翰

簡翰

芳翰

台翰環翰

俱書札之稱答人寄書曰辱承華翰 雲翰 瑤翰 來翰 手翰 簡翰 芳翰 台翰 環翰

十六諫

雁

魚雁

鴈同杜甫詩天上多鴻雁池中足鯉魚相看過半百不寄一行書

隻雁

單書也 雙雁 雙書也 註見上

十七霞

媛 電 線 面 饒 見

郎媛

稱人子女曰郎媛

追風逐電

言馬馳之速也李嶠馬詩蒼龍遙逐日紫燕迴追風

襪線

自謙才短也瑣言僞蜀韓

昭爲禮部粗有文章李台服曰韓八座才如拆機線無一條長者 壓線 幫人之意秦韞玉詩苦恨年內開扇戶出半面視奉奉即去後數年路見車匠識而呼之 祖餞 送行之謂詳

上聲十

九皓韻 管見

註詳上平四支韻

十九效

棹 教 權

放棹開船也嵇康酒會詩 鑿教鑿大鹿也羣鹿視其尾 手教 翰教俱稱

人書札 買權雇舟也權 通作棹

二十號 報警

竹報平安信也○李衛公守北都一寺有竹一棵 柄鑿兩不相入也

二十一箇 賀

燕賀淮南子大廈成而燕雀來賀

二十一襦 嫁 駕舍 夏夜

為人作嫁註詳去聲十七 別駕通判之稱漢制別駕一人從 捐館舍禮

謂人死曰 槐夏四月也王晏詩槐序候方 五夜漢舊儀晝滿盡夜漏起省中

夜丙夜丁  
夜戊夜

二十三漾 相帳

宅相 外甥曰宅相見  
晉書魏舒傳 絳帳 馬帳 漢馬融設絳  
帳前列生徒

二十五徑 定輿

文定 行聘之名詩大  
雅文定厥祥 掃輿 掃却輿致即無輿也卻愁篇  
武后曰狄公在座令人掃輿

二十六宥 逅 豆 守

邂逅 不期而會也詩  
鄭風邂逅相遇 棧豆 棧馬棧也豆馬食也  
言戀此棧中之豆也 一麾出守 柳宗元表八  
命作牧一麾

出守按一麾  
指郡守也

入 聲 一屋 牘 鹿 目 逐 駟 犢 籠  
牘 腹 陸 叔 蝠 殺 北  
鹿 目 逐 駟 犢 籠

尺牘

漢書陳遵傳遵贖於文辭善書與人尺牘主皆藏弃以爲榮

捧腹

史記曰者傳司馬季主捧腹而大笑

枵腹

飢餓

水

陸

水水路也旱路也

鮑叔

史記鮑叔與管仲同賈得金分之且多與仲仲曰鮑子知我貧也今人言知己之友曰管鮑

范叔

魏使

須賈

至秦范雎乃敝衣微行開步之邸賈驚問曰范叔一寒至此乎取綈袍贈之

晉蝠

蝠借作福

推轂

轂輻所湊也言薦人如車轂運轉也

渭北

註詳上平十二文韻暮雲典

碌碌

隨從之貌史記楚王與毛遂曰公等碌碌所謂因人成事者也○又九卿碌碌奉其官○又碌碌無

所短

鹿鹿

與碌碌同

魚目

尙書考靈曜秦失金鏡魚目入珠相混之意

刮目

吳志呂蒙曰士別三日即當刮目相看

徵

逐

韓文公平居里巷相慕悅酒食遊戲相徵逐

岡陵之祝

詩小雅如岡如陵云云

舐犢

老牛甜犢舐之

父曰猶懷老

牛舐犢之愛

人徒空箠

箠盛弓矢器也周禮夏官仲秋獻矢箠

二沃

蜀玉

思蜀

晉滅蜀晉王問後主曰思歸乎後主答曰此間樂不思蜀

蘭玉

謂弟子之佳者謝太傅問諸子姪曰子弟亦何預人事而欲使其佳元答

曰嘗芝蘭玉樹欲使其生於階庭耳

三覺 慙角

宗慙

宗慙叔父問慙所志答雀角爭訟之意詩曰願乘長風破萬里浪誰謂雀無角

四質 室術一

斗室

室如斗大言其小也王陽之術世稱王陽能化黃金○王融謝勅賜米啓臣無

尺一

漢志匈奴傳漢遣單于書以尺一牘中行說令單于以尺二寸牘及印封皆令廣長大倨驚其辭

五物 物 莢

池中物

吳志周瑜傳劉備以左將軍領荊州牧周瑜上疏曰劉備以梟雄之姿而有關羽張飛熊虎之將必非久屈爲人用者恐蛟龍得雲雨終

非池中物也

翟莢

詩翟莢以朝註翟莢車也夫人以翟羽飾車莢蔽也夫人之車前後設蔽

六月 月骨髮蹶

落月

梁月

相思顏色也杜甫懷李白詩落月滿屋梁猶疑見顏色

鷄骨

世說王戎和嶠同時遭大喪俱以孝稱王雞骨支床

和哭泣

黃髮

詩魯頌黃髮兒齒言有壽也

竭蹶

奮趨也荀子近者歌謳而樂之遠者竭蹶而趨之

七曷

葛 秣 脫

三秋采葛

詩彼采葛兮一日不見如三秋兮

瓜葛

後漢謝承曰有瓜葛之屬喻親戚綿遠也

膏秣

韓文我

馬穎脫

毛遂曰使遂得早處囊中當脫穎而出

九屑

舌 轍 節 結

咸其輔頰舌

說見易經咸卦唇舌

搖唇鼓舌言辨士之工於說也且有言語爭辯之意

覆轍

賈誼治安策前車覆

後車魚轍

涸轍

註詳上平三江韻

黃花節

九月九也

彩結

盤帳之意

延結

延望之意鬱結不解

也

十藥 鵠 鑠 樂 落 諾 幕

倉公扁鵲

皆名醫淳于意爲齊太倉長故稱曰太倉公乘陽慶授以黃帝扁鵲脈書治病決死生皆驗○扁鵲姓秦名越人長桑君傳以禁

方令其飲上池之水

視病盡見五臟癥結

嬰鑠 稱人康健口辨鑠

伯樂 古之善相馬者見韓文

舊牢落耶邱墟

註牢落閒寂也 金諾 楚諺曰人得黃金百斤不如季布一諾

蓮幕

南史長史蕭綸與王儉書曰泛綠水依紅渠何其麗

也時稱儉府爲蓮花幕按蓮花幕下客作幕者之美稱也

十一陌

積腋 魄額 客伯 逆窳 尺獲 白

銖積

積少成多之意說文十黍爲余十余爲銖八銖爲錐二十四錐爲兩正字通古人言較量銖錐謂輕微也

裘腋

集腋成裘擗裘之意

落魄

鄭生傳鄭生好讀書家貧落魄無以爲衣食業注落魄志行衰惡之貌

點額

不登龍爲點額喻下第也詳河鯉登龍門解

萍



客言出外作客如浮萍之無定處也

月下客猶背小之謂偷兒也

將伯求助於朋友也詩小雅將伯助予

歡伯蘇

易林酒爲歡莫逆

心志相孚曰莫逆見莊子大宗師

窀穸音屯夕墓穴也見左傳

咫尺言近也十寸爲尺八寸爲

咫尺傳天威五尺李密陳情表內無應門五尺之童

階前盈尺

李白與韓荆州書今君侯何惜階前盈尺之地不使

白揚眉吐氣臧獲

奴隸也見漢書○揚雄方言云海岱之間罵奴曰臧罵婢曰獲

玄白諒卽元白也按唐書元稹白居易傳論

唐初開文館高宗禮茂才虞許擯價於前蘇李馳聲後潤色之文咸布編然尙古者傷於太僻狗華者或至不經離騷者局於宮商放縱者流於鄭衛若呂

調律度揚推古今賢不肖皆賞其文未有如元白之盛也

### 十一 錫 櫟 櫪 壁

櫟大樹也其幹屈曲無用喻無用之材

伏櫪千里之驥不逢伯樂伏櫪而悲

破壁宣和畫譜張僧繇畫龍未點睛及點破壁飛去

### 十二 職 翼 植 則 息 得 力

鵝翼

詩維鵝在梁不濡其翼

噓植即吹噓培植也

內則禮內則疏以閨門之內執儀可則故曰內則則法也

子息以錢

貸人而息者曰子錢家

飽德

詩既醉以酒既飽以鼎力漢書項羽德言受恩德之深也力能舉鼎

十四緝

澀及立急邑

羞澀

澀音潛陰時夫韻府羣玉阮孚持一皂囊遊會稽客問囊中何物曰但有一錢看囊恐其羞澀

青及

即垂青眼也

齒及即談

及之

家徒壁立

見司馬貞索隱按孔文祥云徒空也家空無資儲但有四壁而已

鵠立

仰盼之意○後漢書袁譚傳今整勒

士馬瞻望鵠立

眉急言至急之用即燃眉之急也

於邑傷痛聲

十六葉

涉接葉

跋涉

跋山涉水奔走之意

容接後漢書李膺獨特風裁以聲名自高士有被其容接者名爲登龍門

貝葉

釋典西域無紙以貝多樹

葉寫經文

倡條冶葉

猶言美色○李商隱詩冶葉倡條偏相識

# 尺牘稱謂

## ○家族

父母

稱父曰父親。母曰母親。自稱曰男。稱人父曰令尊。母曰令堂。自稱於人曰家父。家母。家嚴。家慈。

祖父母

稱父之父曰祖父。父之母曰祖母。自稱曰孫男。稱人曰令祖父。令祖母。自稱於人曰家祖父。家祖母。

以上爲家屬之最親者。稱謂上不得加字。對他人自謙。於父亦可自稱家大人。稱人之父曰尊翁。對於人而并及其子。曰賢橋梓。若自稱則曰愚父子。

伯叔

稱父之兄曰伯父。父之弟曰叔父。稱伯叔父之妻曰

伯母曰叔母。自稱曰姪。稱人曰令伯。令叔。自稱於人曰家伯。家叔。

稱謂上亦不得加字。惟伯叔不止一人。可以其行次大二三四等字別之。如爲同族尊長。可加其字於稱謂之上。

兄弟

對胞兄自稱弟。對胞弟自稱兄。稱人曰令兄。令弟。自稱於人曰家兄。舍弟。

姊妹

對胞姊自稱弟。對胞妹自稱兄。稱人曰令姊。令妹。自稱於人曰家姊。舍妹。

凡胞兄弟姊妹。不必加字於稱謂之上。如兄弟姊妹不止一人。可以其行次大二三四等字別之。於嫂則自稱夫弟。人稱令嫂。對他人自謙稱家嫂。對於人而并及其兄或弟。曰賢昆仲。賢昆玉。若自稱則愚兄弟。

夫妻

夫稱妻曰賢妻。自稱曰夫。妻稱夫曰夫君。曰夫子。自稱曰室人。稱人曰嫂夫人。尊夫人。自稱於人曰內子。內人。拙荆。

妾

稱妾曰賢妾。自稱曰夫主。稱人曰如夫人。尊寵。自稱於人曰小妾。賤妾。

子女

稱子曰吾兒。女曰吾女。自稱曰父。稱人子曰令郎。女曰令愛。自稱於人曰小兒。小女。

媳

稱媳曰賢媳。自稱曰愚。稱人曰令媳。自稱於人曰小媳。

姪

稱姪曰吾姪。自稱伯或叔。稱人曰令姪。令阮。自稱於

人曰舍姪。

孫

稱孫曰吾孫。自稱曰祖。稱人曰令孫。自稱於人曰小孫。

兒女及孫之稱謂上。可加其名。胞姪亦然。

○親戚

姑母

稱父之姊妹曰姑母。自稱曰姪。稱姑母之夫曰姑丈。自稱曰內姪。稱人曰令姑丈。令姑母。自稱於人曰家姑丈。家姑母。

舅父  
母父

稱母之兄弟曰舅父。其妻曰舅母。自稱曰甥。稱人曰令舅。令舅母。自稱於人曰家舅。家舅母。

外祖母

父

稱母之父曰外祖母。母之母曰外祖母。自稱曰外孫。稱人曰令外祖。令外祖母。自稱於人曰家外祖。家外祖母。

姨母

稱母之姊妹曰姨母。其夫曰姨丈。自稱曰姨甥。稱人曰令姨丈。令姨母。自稱於人曰家姨丈。家姨母。

表叔

伯

稱父母之表兄弟曰表伯表叔。自稱曰表姪。稱人曰令表伯。令表叔。自稱於人曰家表伯。家表叔。

表親有姑表姨表之別。稱謂均同。

壻

稱壻曰賢壻。賢倩。自稱曰愚。稱人曰令坦。令倩。自稱於人曰小壻。

岳母父

稱妻之父母曰岳父岳母。外舅外姑。自稱曰子壻。稱人曰令岳。令岳母。自稱於人曰家岳。家岳母。

親家

稱子媳與女壻之父曰親家。其妻曰親家太太。對親家。自稱姻愚弟。對親家太太。自稱姻侍生。稱人曰令親家。令親家太太。自稱於人曰敝親家。敝親家太太。凡稱戚黨之長一輩而無確當之稱謂者曰姻伯姻叔。其妻曰姻伯母。姻嬖。自稱曰姻愚姪。稱人曰令親。自稱於人曰舍親。

姻叔伯

如長兩輩者則稱太姻伯。平輩稱姻兄姻弟。晚輩稱姻姪。其親誼較泛者。可易伯字爲丈字。

姊妹丈

稱姊妹之夫曰姊妹倩。自稱內弟內兄。稱人曰令



表兄弟

姊丈。令妹丈。自稱於人曰。家姊丈。家妹丈。

凡稱姑母舅父姨母之子。皆曰表兄弟。自稱曰表兄弟。表兄。稱人曰令表兄。令表弟。自稱於人曰。敝表兄。敝表弟。

襟兄

妻之姊妹曰姨。稱其夫曰襟兄。自稱曰姻愚弟。稱人曰令僚壻。自稱於人曰。敝連襟。

內弟兄

稱妻之兄弟曰內兄內弟。自稱曰愚姊壻。愚妹壻。稱人曰令內兄。令內弟。自稱於人曰。敝內兄。敝內弟。

表姪

稱表親之晚輩曰賢表姪。自稱曰愚。稱人曰令表姪。自稱於人曰。敝表姪。

內姪 稱妻兄弟之子曰賢內姪。賢內阮自稱曰愚。稱人曰令親。自稱於人曰舍親。

○師友

業師 稱業師曰夫子。吾師。業師自稱曰受業。稱人曰令師。自稱於人曰敝業師。稱師之妻曰師母。自稱學生稱師之父母曰太夫子。太師母。自稱曰門下晚學生。  
夫子之稱。或用於師。或用於夫。女學生之於師。宜避嫌而稱業師爲安。

學生 稱學生曰賢弟。賢契。自稱曰愚。稱人曰高徒。自稱於人曰敝徒。

老叔 稱父之友曰老伯老叔。自稱曰愚姪。與祖同輩行則

稱曰太老伯。其妻曰太老伯母。自稱曰愚再姪。

老伯之妻稱伯母。老叔之妻亦稱伯母。

世伯

稱有世誼而長一輩者曰世伯伯世叔。自稱曰世愚姪。其長兩輩者曰太世伯太世叔。自稱曰世再姪。

世誼稱謂。必須確當。稱世伯之妻爲世伯母。亦可稱伯母。世叔之妻。可稱世姪。

世姪

稱世交之子姪曰賢世講賢世臺。自稱曰愚。  
若稱世兄則較謙。普通亦稱仁兄。自稱亦可稱弟。

先生

稱普通之年齡較尊者曰先生。自稱曰晚生。

仁兄

稱平輩之交曰仁兄。自稱曰愚弟。  
如係同學。可加同學二字於仁兄之下。

譜兄

稱友之換帖者曰譜兄。譜弟自稱曰如弟如兄。

○用人

僕

稱人之男僕曰尊紀。貴僕紀綱。自稱於人曰小价。小伴。小厮。

女僕

稱人之女僕曰貴女僕。尊嫗。自稱於人曰敵女僕。敵媽。

婢

稱人之婢曰尊婢。自稱於人曰小婢。

# 尺牘套語

## ○書奉類

膝下。

膝前。

用於父母

尊前。

尊右。

左右。

侍右。

鈞鑒。

鈞覽。

賜鑒。

鈞管。

用於尊長

閣下。

足下。

大鑒。

偉鑒。

台鑒。

台覽。

惠鑒。

青睞。

青及。

執事。

用於同輩

如見。

如晤。

如握。

如面。

用於相知

函丈。

用於業師

節下。

座下。

用於政界

麾下。

用於軍界

粧次。

奩次。

芳鑒。

用於女界

收覽。

收閱。

知之。

知悉。

入覽。

用於卑幼

禮次。

苫次。

用於喪服

○陳啓類

謹稟者。

敬稟者。用於尊長

敬肅者。用於長官

敬啓者。用於平等

逕啓者。直達之詞

茲啓者。用於便函

茲懇者。有事相懇

茲託者。有事相託

○恭維類

恭維。

敬維。

卽維。

辰維。

近維。

比維。

欣惟。

緬維。

就維。

仰惟。

邇惟。

近想。

遙想。

邇想。

敬諭。

遙諭。

藉諭。

欣諭。

敬悉。

欣悉。

○接緘類

平展誦。瑤函。展閱。雲箋。披誦。手札。接

奉。芝函。接閱。華箋。敬披。翰簡。承賜

瑤函。辱承。手畢。師長披讀。鈞諭。莊誦

鈞函。捧誦。雲箋。蒙賜朵雲。瑤函下賚。

恭披。翰示。盥誦。翰諭。辱承。手教。今來

適展。來槭。適披。瑤簡。頃辱。瑤箋。昨披

華簡。近接。瑤函。近披。翰諭。刻奉。賜

書。頃承。賜答。前來。某月某日接誦。瑤槭。

某時於某地得閱。華札。曩接。手書。向披

雲翰。月之某日捧讀。佳章。錦字頒來。已經旬日。

遠來

札 荷承

瑤札遠投。

荷承

環函遠賁。

叨

承遠寄

雲箋。

叨承

華札遙頒。

遠接

華箋。

遙披

翰示。

鴻雁翩翩飛來遠道。

復頃得

還

章。

刻接 還雲。

去前奉草函。

昨上寸楮。

○起居類

節閑耕釐鈞樞曼祉。

林壬曼慶令甲宣勤。

景福便蕃宏

猷彪炳。

泰祺曼懋鼎祉豐隆。

景福時申勛華日楙。

政界上

金壇制勝玉帳宣勛。

勛華起鵠建樹延鴻。

偉烈遐宣。

雄聲遠播。

威望風馳勳章露布。

軍界上

撰祺日麗文祉雲

駢鴻才卓越燕譽高翔。

文藻日宣聲華颺起。

鴻才懋



著。駿望昭彰。著述閎深。圭璋特達。以上學界。籌祺通駿。祉財  
延鴻。駿業維新。鴻猷式煥。財祺式燕。旅祉迎羊。偉業  
宏猷。指揮如意。籌祺履祉。皆大吉羊。福隨時茂。業並春  
榮。大業鴻升。雄財駿發。以上商界。順序延釐。因時篤祐。福  
履駢綏。道躬駿茂。泰宇雲蒸。鼎祺日上。頤養日隆。履祺  
雲集。泰鴻戩吉。鼎象駢釐。福履咸亨。道祺晉吉。以上尊長  
景福懋昭。宏猷丕煥。清祺宣鬯。福履綏飭。起居懋鬯。福  
祉駢蕃。介祉日增。逸情雲上。禋躬戩吉。潭第凝床。闔  
潭多福。百事罄宜。興居升吉。福履咸亨。聲華美滿。德業  
崇闓。以上通用。芝園集福。蘭閣增祥。起居納福。步履勝常。

起居式燕。潭第迎羊。璇閨協吉。瓊閣凝麻。以上女界

○頌慰類

爲頌爲慰。爲無量頌。爲頌無量。至以爲頌。至以爲慰。慰如私祝。曷勝忭頌。曷罄頌私。莫名頌禱。深愜頌忱。定慰忭私。式符下頌。定符忭祝。忭禱奚如。深慰遠頌。尤如鄙頌。定如肫頌。旣頌且慰。

○瞻仰類

夙仰鴻裁。未親聖教。久仰芝儀。未親蘭教。久思御李。未遂瞻韓。夙欽駿望。未遂亮趨。久遠芝宇。時系葭思。久別鴻儀。時殷鵠跂。遙企芝輝。時殷葵向。高風久仰。鈞誨

未聆。山斗遙瞻。未親警款。音塵久闕。夢想爲勞。翹歧  
光儀。時榮寤寐。遙瞻雅度。曷罄欽遲。翹企慈暉。倍深孺  
慕。何時覲面。得慰素心。一別經年。寸心縈結。一日三  
秋。渴塵萬斛。夙荷殷拳。莫名傾向。判袂以來。時深馳系。  
自別尊顏。時榮夢轂。

○自敘類

敘才學淺。學慙窺豹。業愧囊螢。穠線短才。瓊天小見。  
敘才力拙。鹿鹿庸才。魚魚末學。識慙老馬。性類拙鳩。  
敘貧窮狀。乞米有書。點金無術。臺難避債。地少立錐。  
敘生活難。守株有地。托鉢無門。困守家園。謀生無計。

敘謀業難	才疎識陋。援引無人。	學識迂疎。乏人推轂。
敘任事艱	汲深綆短。蚊負堪虞。	力短心違。事繁責重。
敘身病弱	疾病未除。時憑湯藥。	孱軀微弱。職務多疎。
敘勞碌甚	東奔西逐。朝夕靡遑。	事笑魚忙。身同繭縛。
敘家務多	鹽米心勞。馬牛計拙。	操持家政。日夕勞心。
敘奔走苦	跋山陟水。靡所止棲。	海燕風萍。欲安不得。
敘性情懶	情疎似阮。性懶於嵇。	嵇阮性情。頗多疎懶。
敘事務煩	事煩如蝟。料理維艱。	諸冗紛紜。支持不暇。
敘貿易難	蝟務紛來。蠅頭難覓。	店務支持。殊難措手。
	心空求買。道乏生財。	年來營業。乏善可陳。

敍老耄至	兩鬢蕭蕭。一身落落。	桑榆已暮。風木堪驚。
敍知識短	雙瞳如豆。一葉迷山。	淺見寡聞。未諳時務。
敍時事乖	趙壹命窮。楊朱路窄。	事多偃蹇。境值迍邐。
敍知己少	羈滯家園。卒無遇合。	家園株守。知己難逢。
敍荒歉甚	荒歉頻遭。鴻嗷待哺。	形多菜色。身困梁謀。
敍門第小	荒涼門第。寒素家風。	家素寒微。荒涼身世。
敍旅况難	天涯落魄。旅况多艱。	身飄似葉。骨瘦於梅。
敍貧老逼	老漸逼人。飢來驅我。	桑榆已暮。藜藿難充。
敍未脫俗	塵網羈身。未能解脫。	塵根未淨。俗慮牽纏。
職官自謙	一官匏繫。半世薪勞。	豈是匏懸。愧無樹建。

軍界自謙 羈身軍旅。奔陋無文。迹託戎行。蓬飄靡定。

○告慰類

惟幸頑軀託庇。物安堪紓綺注。惟幸賤軀近尙。救平藉慰錦注。差幸公私均稱順遂。堪慰履系。差幸舍間長幼均叨福庇。藉慰錦廬。所幸舍間諸叨順適。堪以告慰。所幸一切叨庇平安。無勞掛念。祇幸店務叨賴順適。堪以告慰。祇幸在外諸叨平順。差堪自慰。

○申悃類

叨在知己。用敢直陳。忝在至好。用敢瓊瀆。叨在愛末。敢佈區區。辱在知交。用陳鄙悃。夙荷垂青。故敢冒瀆。素

蒙關注。敢竭私衷。專此肅泐。順佈寸丹。尚勸數行。藉鳴謝悃。肅此佈達。藉表微忱。

○感荷類

感荷隆情。實無紀極。感叙高誼。沒齒難忘。仰荷雲情。感且不朽。仰承大德。銘感無涯。銘感五內。永矢弗諼。感勸五中。莫可言喻。鏤骨銘心。閣家戴德。指日銘心。望風泥首。如蒙指教。感篆弗忘。如蒙鑒亮。感叙無既。幸荷栽培。曷勝欣感。倘蒙惠賜。感較何如。

○伏冀類

平伏惟 朗照 諸惟 澄照 統惟 荃照 諸惟 亮

誓。

師長

伏冀。

崇誓。

統冀。

鑒誓。

並希。

鈞鑒。

諸

惟。

垂鑒。

統惟。

蒸鑒。

仰惟。

霽鑒。

伏惟。

賜鑒。

餘惟。

藹照。

平伏祈。

兪允。

惟冀。

垂兪。

長伏祈。

俯允。

惟祈。

俯兪。

○臨書類

平

臨穎依依。

臨池瞻溯。

臨楮依切。

臨穎神馳。

長臨

稟悚惶。

臨穎依馳。

臨風依戀。

臨池翹企。

臨池欣

臨池歡忭。

喜臨池欣

臨池愴仄。

臨池愴切。

臨

書哀切。

臨箋雀躍。

臨池歡忭。

喜臨池欣

臨池愴仄。

臨池愴切。

臨

臨

○奉布類



專此奉布。專此奉託。尚此奉懇。肅此佈復。專此佈  
懇。手此佈達。專泐佈託。專此佈臆。以下用於尊長肅此敬  
稟。肅此叩稟。專此肅稟。肅此上陳。

○請安類

平敬候 佳祉。順頌 邇祉。卽頌 近祺。並候 近  
好。順候 起居。卽頌 安祉。敬頌 吉祉。順頌  
台安。尊師長順頌 近福。順叩 崇祺。恭頌 福綏。  
女嬖安。淑安。壺安。奮安。壺祉。坤祺。慈安。時接  
春安。春祺。夏安。暑安。秋安。秋祺。冬安。爐安。  
官長敬請 勛安。恭敬 勛綏。祇請 鈞安。敬請  
通安。

崇安。

商界敬請

籌安。

祇請

財安。

文人順頌

文吟祺。

卽頌

文撰祉。

肅請

文安。

恭請

箸安。

客旅順頌

旅安。

順候

旅祺。

卽頌

旅佳。

順請

羈安。

制中。

順候

孝履。

順候

素履。

用候

苦次。

敬請

禮安。

未句用

本日敬詢

日禧。

順請

午早安。

順頌

晚日祉。

於尊長

日敬詢

日禧。

順請

早安。

順頌

晚日祉。

喜年敬賀

年歲禧。

恭賀

鴻禧。

恭賀

新社。

敬賀

新

賀平眾

恭叩

鴻禧。

恭賀

新社。

叩賀

歲祺。

恭

叩

節禧。

叩賀

節祉。

恭賀

節祉。

恭

賀

新禧。

長上

節順賀

節禧

恭賀

節祉。

恭

節禧。

節祉。

節祉。

節祉。

節祉。

節祉。

節祉。

節祉。

節祉。